





杜工部集卷之六

虞山蒙叟錢

謙益

箋註



古詩五十三首

居雲安及至夔州作

杜鵑

西川有杜鵑東川無杜鵑涪萬無杜鵑雲安有杜鵑
 我昔遊錦城結廬錦水邊有竹一頃餘喬木上參天
 杜鵑暮春至哀哀叫其間我見常再拜重是古帝魂
 生子百鳥巢百鳥不敢噉一作喧仍為餒其子禮若奉至
 尊鴻鴈及羔羊有禮太古前行飛與跪乳識序如一作又
 知恩聖賢古一作吾法則付與一作之後世傳君看禽鳥情猶
 解事杜鵑今忽暮春間值我病經年身病不能拜淚

按譜則永泰元年
冬明年乃大曆元年
年也

下如逆泉

題下舊注云時明皇在蜀蒙塵陳浩然本無此七字當從陳本此詩大曆元年公在雲安作明皇屢駕久矣

夏竦曰詩前四句乃序耳以叶韻誤以為詩本題下甫自注耳王直方曰此與古語語無異豈復以韻為限耶黃希曰白頭吟詞云郭東亦有樵郭西亦有樵此詩前四句或本此吳曾漫錄曰樂府江南占詞魚戲蓮葉間魚戲蓮葉西魚戲蓮葉南魚戲蓮葉北子美正用此格

寄巢 博物志杜鵑生子寄 **鴻鴈** 羊祐鴈賦鳴則相和行則 **羔羊** 春秋繁露

羔飲其母必跪頰知禮者也

箋曰東坡外集載辨王詒伯論杜鵑云子美蓋謾當時之刺史有不禽鳥若也嚴武在蜀雖橫欲刻薄而實資中原是西川有杜鵑其不虔王命置軍旅絕貢賦以自固如杜克遜在梓州是東川無杜鵑耳浩萬雲安刺史微不可考其尊君者為有懷貳者為無不在夫杜鵑真有無也按杜克遜事新舊兩書俱無可考嚴武在東川之後節制東川者李奐張獻誠也其以梓州反者段子璋也梓州刺史見杜集者有李梓州楊梓州章梓州未聞有杜也既曰議當時之刺史不應以嚴武並列也逆節之臣前有段子璋後有崔旰楊子琳不當舍之而刺浩萬之刺史微不可考者也所謂杜克遜者既不見史傳則亦子虛無是之流出後人偽撰耳其文義舛錯鄙倍必非東坡之言世所傳志林諸書多出妄庸人假托如偽蘇注之類而無識者誤編之集中也黃

鶴本載舊本題注云上皇幸蜀還肅宗用李輔國謀遷之西內上皇悵悵而崩此詩感是而作詳味此詩仍當以舊注為是

客居

客居所居堂前江後山根下
塹萬尋岸蒼濤鬱飛翻
葱青衆木梢邪豎雜石痕
子規晝夜啼壯士歛精魂
峽開四千里水合數百源
人虎相半居相傷終兩存
蜀麻久不來吳鹽擁荆門
西南失大將商旅自星奔
今又降元戎已聞動行軒
舟子候利涉亦憑節制尊
我在路中央生理不得論
卧愁病脚廢徐步視小園
短畦帶碧草悵望思王孫
鳳隨其皇去籬雀暮喧繁
覽物想故國十年別荒村
日暮歸幾翼北林空自昏
安得覆八溟為君洗乾坤
稷契易為力□□何足吞

儒生老無成臣子憂四番

草堂本作四藩釋直刊作憂思翻

篋中有舊筆

情至時復援

峽開

荆州記巫峽首尾一百六十里舊云自三峽取蜀數千里恒是一山此蓋好大之言也惟三峽七百里中兩岸連山略無闕處梁簡文蜀

道難詩峽山七百里巴水三回曲公所謂峽開大將

四千里蓋統論江山之大勢非專指言峽山也

客堂

憶昨離少城而今異楚蜀舍舟復深山窅窕一林麓

棲泊雲安縣消中內相毒舊疾甘載

一作戰一作再

來衰年得

無足

一作得弱足一作弱無足

歿為殊方鬼頭白免短促老馬終望雲

南鴈意在北別家長兒女欲起慚筋力客堂叙節改

具物對羈束石暄蕨芽紫渚秀蘆筍綠巴鷲一作紛未

稀徼麥早向熟悠悠日動江漠漠春辭木臺郎選才

俊自顧亦已極前輩聲名人埋沒何所得居然縮章

紱受性本幽獨平生憇息地必種數竿竹事業只濁

醪營葺但草屋上公有記者累奏資薄祿主憂豈濟

時身遠彌曠職循鮑修文廟算正獻可天衢直尚想趨

朝廷毫髮裨社稷形骸今若是進退委行色

石硯詩

平侍御者

平公今詩伯秀發吾所羨奉使三峽中長嘯得石硯

巨璞禹鑿餘異狀君獨見其滑乃波濤其光或雷電

聯坳各盡墨多水遞隱現揮灑容數人十手可對面

比公頭上冠貞質未為賤當公賦佳句况得終清宴

公舍起草姿不遠明光殿致于丹青地知汝隨顧盼

水閣朝霽奉簡嚴雲安

一作雲安嚴明府

東城抱春岑江閣鄰石面崔嵬晨雲白朝旭一作日射芳

甸雨檻臥花叢風床展書卷一作展輕幔鈎簾宿鷺起丸藥

流鶯囀呼婢取酒壺續兒誦文選晚交嚴明府矧此

數相見輕俊有味絕似玉性

贈鄭十八賁

溫溫士君子令我懷抱盡靈芝冠眾芳安得闕親近

遭亂意不歸竄身跡非隱細人尚姑息吾子色愈謹

高懷見物理識者安肯哂卑飛欲何待捷徑應未忍

示我百篇文詩家一標準羈離交屈宋牢落值顏閔

水陸逃畏一作長途藥餌駐修軫古人日以遠青史字不

泯步趾詠唐虞追隨飯葵葢數盃資好事異味煩縣

尹心雖在朝謁力與願矛盾抱病排金門衰容豈為

敏

三韻三篇

高馬勿唾一作揮面長魚無損鱗辱馬馬毛焦困魚魚有

神君看磊落士不肯易其身

蕩蕩萬斛船影若揚白虹揚一作揚起檣必椎牛挂席集眾

功自非風動天莫置大水中

烈一作列士惡多門小人自同調名利苟可取殺身傍權

要何當官曹清爾輩堪一笑

漢人古詩

鶴曰此詩刺廣德永泰間朝士之趨附元載魚朝恩者

青絲

青絲白馬誰家子，麤豪且逐風塵起。不聞漢主放妃嬪，近靜潼關掃蜂蟻。殿前兵馬破汝時，十月即為虜粉。期未如一作面縛歸金闕，萬一皇恩下玉墀。

青絲

鶴曰此詩言僕固懷恩之亂是也廣德二年二月懷恩謀取太原其子瑒進圍榆次十月懷恩與回紇吐蕃進逼奉天永泰元年九月又誘回紇吐蕃吐谷渾党項奴刺俱入寇是時懷恩乘吐蕃人犯之後阻兵犯順故曰麤豪且逐風塵起也上初遣裴遵慶詣懷恩諷令入朝又下詔稱其勳勞許以但當詣闕更勿有疑而懷恩皆不從
妃嬪董道跋崇徽公主手故曰不如而縛歸金闕萬一皇恩下玉墀也
潼關高暉引吐蕃入長安郭子儀復長安石懷恩以猜嫌入回紇殺其家人後官大曆四年以其女為崇徽公主嫁回紇可汗故云不聞漢主放妃嬪言懷恩獨不為妻孥計意亦隱刺代宗也舊注引肅宗放宮人非是唐史云養其女于宮中亦非實錄
潼關帥三百驍騎東走潼關守將李日越擒而殺之故曰近靜潼關
殿前鶴曰殿前兵馬即神策軍也兵志廣德元年掃蜂蟻以高暉比懷恩也
年代宗避吐蕃幸陝朝恩環在陝兵與神

策軍迎扈悉號神策軍京師平朝恩遂以軍歸禁中自將之永泰元年吐蕃復入寇朝恩遂以神策軍屯禁中自是寔盛分爲左右廂居北軍之右矣代宗任用中人致功臣疑叛又專倚中人領禁軍以平禍亂此詩雖爲懷恩而作亦以刺代宗也

近聞

近聞□□遠遁逃牧馬不敢侵臨洮渭水逶迤白日淨隴山蕭瑟秋雲高崆峒五原亦無事北庭數有關中使似聞贊普更求親舅甥和好應難棄

近聞

永泰元年子儀與回紇定約請擊吐蕃爲効上停親征京師解嚴是年僕固名臣及党項帥皆來降次年二月命楊濟修好于吐蕃吐蕃遣首領論泣欽陵來
五原後漢郡國志五原郡秦置爲九原武帝更名徐朝此詩蓋記其事也
廣曰陰山在河南陽山在河北史記曰蒙恬築長城臨洮延袤萬里餘度河據陽山寰宇記唐改爲鹽州領五原縣以其地勢有五原舊有五原關因爲郡邑之稱五原龍遊原乞地于原青嶺原尙嵐貞原橫
贊普吐蕃傳其國人號其王
槽原
爲贊普相爲大論小論

蠶穀行

七

五

天下郡國向萬城無有一城無甲兵焉得鑄甲作農器一寸荒田牛得耕牛盡耕一有蠶亦成不勞烈士淚滂沱男穀女絲行復歌

無有一城無甲兵言天下皆用兵也鶴必欲舉其年某事以實之可謂固矣

折檻行

嗚呼房魏不復見秦王學士時難美青衿胄子困泥塗白馬將軍若雷電千載少似朱雲人至今折檻空嶙峋婁公不語宋公語尚憶先皇容直臣

折檻 容齋續筆至今宮殿正中一間橫檻獨不施欄楯謂之折檻蓋自漢以來相傳如此 **房魏** 吳若本注云房喬故秦府學士魏公

佐建成非十 **婁宋** 婁師德器量寬厚雖參知政事深懷畏遜竟能以功各八人之列終杜祭房相文云羣公間出魏趙婁宋亦併二公稱之

箋曰永泰元年命左僕射裴冕右僕射郭英又等文武之臣十三人于集賢殿待制獨孤及上疏以為雖容其直而不錄其言故曰秦王學士時難美歎

集賢待制之臣不及秦王學士之時也次年國子監釋奠魚朝恩率六軍諸將往聽講子弟皆服朱紫為諸生遂以朝恩判國子監事故曰青衿胄子困泥塗白馬將軍若雷電也當時大臣鉗口飽食效師德之畏遜而不能繼朱環之忠謹故以折檻為諷言集賢諸臣自無宋魏輩爾未可謂朝廷不能容直臣如先皇也

引水

月峽瞿塘雲作頂亂石崢嶸俗無井雲安沽水奴僕悲魚復移居心力省白帝城西萬竹蟠接筒引水喉不乾人生留滯生理難斗水何直百憂寬

月峽 寰宇記三峽謂巫峽巴峽明月峽惟明月峽在利州綿谷縣界又云明月峽在渝州巴縣東八十里華陽國志巴郡江州縣有明月峽即此李膺益州記廣陽州東七里水南有遮要三槌石谷東二里至 **瞿塘** 水

明月峽峽首南岸壁高四十丈其壁有圓孔形若滿月因以為名 **雲安** 寰宇記本漢胸臆縣地屬巴郡唐屬夔州上水

注江水又東逕廣溪峽斯乃三峽之首也 **雲安** 寰宇記本漢胸臆縣地屬巴郡唐屬夔州上水

去州二百里水經注常璩曰胸臆縣在巴東郡西二百九十里縣治故城跨其山臨南臨大江之南岸有方山山形方峭枕側江濱 **沽水** 酉

雜俎雲安井自六江沂別派凡三十里近井十五里澄清如鏡舟楫無虞近江十五里皆灘石險惡難于泅涉天師翟乾祐于漢城山上結壇考召迫命羣龍諭以灘波之險使皆平之一夕之間風雷震擊十四里盡為平潭惟一灘仍舊龍亦不至乾祐復嚴勅神吏追之又三日一女子至曰某所以不來者欲助天師廣濟物之功耳雲安之貧民自江口負財貨至近井潭以給衣險灘波以瞻備負不能利舟楫以安富商也乾祐善其言使諸龍皆復其故風雷頃刻而長灘如舊魚復水經注江水又東故魚國也地理志江關都尉治公孫述名之為白帝

古柏行

孔明廟前一作有老柏柯如青銅根如石霜一作皮溜雨一作四十圍黛色參天二千尺君臣已與時際會樹木猶為人愛惜雲來氣接巫峽長月出寒通雪山白憶昨路遶錦亭一作東先主武侯同闕宮崔嵬枝幹郊原古窈窕丹青戶牖空落落盤踞雖得地冥冥孤高多

方曰此屬三殿三
檣
之大中
中柏向
中柏相
呵
柏塔
也

烈風扶持自是神明力正直原因造化功大厦如傾
要梁棟萬牛迴首丘山重不露文章世已驚未辭剪
伐誰能送苦心豈免容螻蟻香一作葉終一作經一作宿鸞
鳳志士幽人莫怨嗟一作古來材大難為用一作皆

老柏

范蜀公東齋紀事武侯廟柏其色若牙然白而光澤尚復生枝葉今纔十丈許工部詩石龕于廟堂中舊注范蜀公謂廟柏纔七丈杜云

二千尺為過沈存中云蒼皮四十圍乃是七尺徑而長二百丈無乃太細長乎黃朝英云以古制論之四十圍當有百二十尺圍有百二十尺即徑四尺安得云七尺也若以一圍為一小尺即徑一丈三尺三寸亦不得云七尺存中之言誤矣遜齋閒覽云詩意其翠色蒼然仰視高遠有一作尺而幾千參天也沈內翰云云論詩者正不應爾段文昌諸葛廟古柏文武侯祠前柏壽千齡盤根擁文勢如蛇形合抱在于旁枝百尋及于半身闕宮寰宇記先主祠在成都府八里惠陵東西七十步武侯祠在先主廟西成都記諸葛公廟在先主廟故宅城西後主塚像先主廟西院即武侯廟前有雙文柏古峭可愛陸游集云予在成都屢至昭烈惠陵此柏在陵旁廟中忠武室之南所謂先主武侯同闕宮者與此畧無小異按成都武侯祠堂附于先主廟夔州則先主廟武侯廟各別此詩專咏夔州廟柏所謂武侯祠堂不可忘中有松柏參天長是也

此詩分句

此詩分句
生信對從
其縛雞
小奴縛雞

方曰三詩在漢書
偶有兩能任者
而書自自是大
家也

縛雞行

小奴縛雞向市賣雞被縛急相喧爭家中歎雞食蟲

蟻不知雞賣還遭烹蟲雞于人何厚薄吾叱奴人解

其縛雞盡得夫無時注日與江倚山閣

夔州處女髮半華四五十無夫家更遭喪亂嫁不

售一生抱恨堪長咨嗟土風坐男使女立應

戶一作應女出入十猶一作八九負薪歸賣薪得錢應

供給至老雙鬢一作只垂頸野花山葉銀釵竝筋力登

危集市門死生射利兼鹽井面粧首飾雜啼痕地褊

衣寒困石根若道巫山女麤醜何得此一作有昭君村

縛雞行

律房

不怠

地也

景楚漢水
之稱

鹽井 荆州圖副云八陣圖下東西三里有一積磧上有鹽
泉井五口以木為桶昔常鹽即時沙壅冬出夏沒 昭君村 應劭曰
氏女名嬀字昭君文穎曰本南郡秭歸人也寰宇記歸州興山縣有王昭君
宅王嬀即此邑人也故曰昭君之縣村連巫峽是此地香溪在邑界即昭君
所遊方輿勝覽州東
北四十里有昭君村

最能行

峽中丈夫絕輕死少在公門多在水富豪有錢駕大

舸貧窮取給行艤子小兒學問止論語大兒結束隨

商旅欵帆側桅入波濤撇漩捎瀆無險阻朝發白帝

暮江陵頃來目擊信有徵瞿塘漫天虎鬚一作怒歸州

長年行一作最能此鄉之人氣一作量窄悞競南風疎北

客若道土一作無英俊才何得山有屈原宅

大舸

方言南楚荆湘凡
船之大者謂之舸 舸子 杜田補注舸小舟名音葉言輕如小葉也
切韻玉篇並不載舸字吳曾漫錄曰王智

深宋記曰司空劉休範舉兵潛作艦艦則艦字不為無所本也撤旋捐瀆江賦旋環築滄浪瀾瀾瀑善注皆波浪回旋瀆湧而起之

貌也舊注撤拂也與擊同指播也于旋則撤于瀆則捐白帝江陵水經注自三峽七百里中兩岸連山略無闕處重巖疊嶂隱天

蔽日自非亭午夜分不見日月至于夏水襄陵沿沂阻絕王命急宣有時朝發白帝暮到江陵雖乘御奔風不加疾也李白有自白帝下江陵詩虎

鬚水經注江水又逕虎鬚灘離水廣此鄉水經注袁崧曰歸鄉山秀水清故出備異地發流絕故

亦隘其件屈原宅水經注秭歸縣故歸鄉地理志云歸于國也樂緯曰昔歸亦隘

有賢姊聞原放逐亦來歸喻令自寬全鄉人冀其見從因名曰姊歸縣東北四十里有屈原舊田宅雖畦堰廢漫猶保屈田之稱也縣北一百六十里有

屈原故宅累石為屋基各其地曰樂平里宅之東北六十里有女嬰廟擣衣石猶存故宜都記曰姊歸蓋楚子熊繹之始國而屈原之鄉里也屈原宅于

今具存指謂此也荆州圖記姊歸縣有屈原故宅方七頃許石為屋今地名樂平里

寄裴施州

廊廟之具裴施州宿昔一逢無此一作比流金鐘大鏞在

東序冰壺玉衡英華作所懸清秋自從相遇感晉作多病三歲

為客寬邊愁堯有四岳明至理漢二千石真分憂幾

度寄書白鹽北苦寒贈我青羔一作絲裘霜雪迴光避錦

袖龍虵刊作蛟龍動篋蟠銀鈎紫衣使者辭一作辟復命再拜故

人謝佳政將老已失子孫憂後來况接才華盛英華此句下有

遙憶書樓碧池映七字

裴施州裴冕寶應元年以右僕射充山陵使坐附李輔國貶施州刺史數月移澧州大曆中復徵為左僕射元載撰冕碑云以直遇坎

牧蠻者二大曆四年冬詔復入相薨于長安按冕自施州召還當在大曆二

年之間二年二月史已載左僕射裴冕置宴于子儀之第碑但記其入相之

年也史稱自施移禮碑不詳其後先以公詩考之冕蓋久于施州當是自禮

移施也史于務官先後如高適彭蜀嚴武巴綿之類每多錯誤皆當據公詩

鄭典設自施州歸

吾憐榮陽秀冒暑初有適名賢慎所出一作出處不肯妄行

役旅茲殊俗遠一作選竟以屢空迫南謁裴施州氣合無

險僻攀援懸根木登頓入天草堂陳浩然並作矢石青山自一川城

郭洗憂憾聽子話此邦令我心悅懌其俗則一作其純朴

不知有主客溫溫諸侯門禮亦如古昔勅厨倍常羞

杯盤頗狼籍時雖屬喪亂事貴賞一作當匹敵中宵愜良

會裴鄭非遠戚羣書一萬卷博涉供務隙他日辱銀

鈎森疎見矛戟倒屣喜旋歸畫地求一作來所歷乃聞風

土質又重田疇闕刺史似寇恂列郡宜競惜一作借音迹北

風吹瘴癘羸老思散策渚拂蒹葭塞寒嶠穿蘿蔦羃

此身仗兒僕高興潛有激孟冬方首路強飯取崖壁

歎爾疲駑駘汗溝血不赤終然備外飾駕馭何所益

我有平肩輿前途猶準的翩翩入鳥道庶脫蹉跌厄

施州元和郡國志春秋巴國之界漢為巫縣之境巫縣今夔州巫山縣也後周置施州隋改為清江縣後漢南蠻傳注今施州清江縣水一名

鹽水源出清江縣西都亭山水經注桑水即佷山清江也水色清照十丈分沙石蜀人見其澄清因名清江也

勅厨舊書晁性後及營珍饌每會賓友滋味品數坐客有味于名者

柴門

一作反孤舟登瀛西迴首望兩崖東城乾旱天其氣如焚

柴長影沒窈窕餘光散哈呀大江蟠嵌根歸海成一

家下衝割坤軸竦壁攢鏌鋹蕭颯灑秋色氛一作氣昏霾

日車峽一作峽門自此始最窄容浮杳禹功翊造化疏鑿

就欹斜巨渠決太古衆水為長蛇風煙渺吳蜀舟楫

通鹽麻我今遠遊子飄轉混泥沙萬物附本性約一云處

自是七言皆苦旱
苦熱之作

身一作不願一作奢茅棟蓋一床清池有餘花濁醪與脫

粟在眼無吝嗟山荒人民少地僻日夕佳貧病一作固

其常富貴任生涯老于干戈際宅幸蓬華遮石亂上

雲氣杉清一作延月一作華賞妍又分外理愜夫何誇足

了垂白年敢居高士差書此豁平昔迴首猶暮霞

灤西水經注白帝山城東傍灤溪即以為陞寰宇記夔州大昌縣西有千

頃池水分三道一道南流為奉節縣西灤水方輿勝覽白帝城周穆

治永安宮南峽門峽程記灤合遂蜀皆峽之郡自蠻江枯柏池道等江至

貽華陽柳少府

繫馬喬木間問人野寺門柳侯披衣笑一作見我顏色

溫竝坐石下堂二云堂下石俛視大江奔火雲洗月露絕

讀書小意
知身如
知身如
知身如

壁上朝暎自非曉相訪觸熱生病根南方六七月出

入異中原老少多暍死汗踰水漿翻俊才得之子筋

力不辭煩指揮當世事語及戎馬存涕淚一云濺我裳

悲氣排帝闕鬱陶抱長策義仗知者論吾衰臥江漢

但媿識與璠文章一小技於道未為尊起予幸斑白

因是託子孫俱客古信州結廬依毀垣相去四五里

徑微山葉繁時危挹佳士况免軍旅喧醉從趙女舞

歌鼓秦人盆子壯顧我傷我驩兼淚痕餘生如過鳥

故里今空村

古信州寰宇記夔州春秋時為夔子國漢為魚復公孫述為白

雷

大旱山岳焦密雲復無雨一云覆南方瘴癘地罹此農

事苦封內必舞雩峽中喧擊鼓真龍竟寂寞土梗空

俯僕吁嗟公私病稅歛缺不補故老仰面啼瘡痍向

誰數暴厄或前聞鞭巫非稽古請先偃甲兵處分聽

人主萬邦但各業一物休盡取水旱其數然一云數堯

湯免親覩上天鑠金石羣盜亂豺虎二者存一端愆

陽不猶愈昨宵殷其雷風過齊萬弩復吹霾翳散虛

覺神靈聚氣時腸胃融汗滋衣裳污一云腐吾衰尤拙計

一云計批失望築場圃

火

楚山經月火大旱則斯舉舊俗燒蛟一作龍驚惶致雷

雨爆嵌魑魅泣崩凍嵐陰眚羅落沸百泓根源皆萬

一作太古青林一灰燼雲氣無處所入夜殊赫然新秋照

牛女風吹巨焰作河棹一作騰煙柱勢欲焚崑崙光

彌焮洲渚腥至焦長蛇聲吼一作吼纏猛虎神物已高飛

一作不見石與土爾寧要謗讟憑此近熒侮薄關長吏

憂甚昧至精主遠遷誰撲滅將恐及環堵流汗臥江

亭更深氣如縷

廣韻文彩狀又明也舊注謂沍寒之處亦為火所崩迫故嵐陰亦著明也按西京賦漸臺立于中央赫眚眚以弘徽善注坤蒼曰眚赤文也音戶火之焚山棟而雲氣高唐賦風止雨河棹漢臯詩話河棹應

七月三日亭午已後較熱退晚加小涼穩睡有

詩因論壯年樂事戲呈元二十一曹長

今茲商用事餘熱亦已末衰年旅炎方生意從此活
亭午滅汗流北鄰耐人聒晚風爽烏匱筋力蘇摧折
閉目踰十旬大江不止渴退藏恨雨師健步聞一作旱
魁園蔬抱金玉無以供採掇密雲雖聚散徂暑終一作
衰歎前聖昏焚巫武王親救暵陰陽相主客時序遞
迴幹灑落唯清秋昏霾一空濶蕭蕭紫塞鴈南向欲
行列歎思紅顏日霜露凍塔闔□馬挾彫弓鳴弦不
虛發長鉞逐一作狡兔袞羽當滿月惆悵白頭吟蕭條
游俠富臨軒望山閣縹緲安可越高人煉丹砂未念
將朽骨少壯跡頗疎歡樂曾倏忽杖藜風塵際老醜
難翦拂吾子得神仙本是池中物賤夫美一睡煩促

嬰詞筆

烏匱

吳若本注匱武擬古皮弁裁織帛以爲帽以色列貴賤晉咸和中制尚書八座丞郎門下三省皆白帽二官真官烏紗帽作恰字書無

早魁

神異經南方有人長二三尺走音恰行如風名曰颺注曰俗曰早魁

左擁右扇之淮南子武王

牽牛織女

牽牛出河西織女處其東萬古永相望七夕誰見同

神光

一作意一作難候此事終蒙臙颯然精靈合何必秋

遂通亭亭新粧立龍駕具曾空一作世人亦爲爾祈請

走兒童稱家隨豐儉白屋達公官膳夫翊堂殿鳴玉

淒房櫳曝衣遍天下曳月揚微風蛛絲小人態曲綴

瓜果中初筵瀼重露日出甘所終一作嗟汝未嫁女

秉心鬱忡忡防身動如律竭力機杼中雖無姑舅事
敢昧織作功明明君臣契咫尺或未容義無棄禮法
恩始夫婦恭小大有佳期戒之在至公方圓苟齟齬
丈夫多英雄一云勿吝丈夫雄

神光

問處風土記七月七日其夜洒掃于庭露施几筵設酒脯時果散香粉于河鼓織女言此二星神當會守夜者咸懷私願或云見天漢中

有奕奕正白氣光耀五色以此為徵應

鳴玉

吳若本注晉嵇康傳鳴玉殿省

曝衣

宋卜子楊園苑疏太液池西有武帝曝衣閣至

七月七日宮女出后衣登樓曝之

蛛絲

荆楚歲時記七夕人家婦女結絲樓穿七孔鍼陳瓜果于庭中以乞巧有喜于網于瓜上者則以為

應符

毒熱寄簡崔評事十六弟

大暑一作火運金氣荆揚不知秋林下有塌翼水中無行
舟千室但掃地閉關人事休老夫一作大轉不樂旅次兼

百憂蝮虵暮偃蹇空牀難暗投炎宵惡明燭况乃懷
舊丘開襟仰內弟執熱露白頭束帶負芒刺接居成
阻修何當清霜飛會子臨江樓載聞大易義諷興一作咏
詩家流蘊藉異時葦檢身非苟求皇皇使臣體信是
德業優楚材擇杞梓漢苑歸驂駟短章達我心理為
一云待識者籌

殿中楊監見示張旭草書圖

斯人已云亡草聖秘難得及茲煩見示滿目一凄惻
悲風生微緝萬里起古色鏘鏘鳴玉動落落羣松直
連山蟠其間溟漲與筆力有練實先書臨池真盡墨
俊拔為之主暮年思轉極未知張王後誰竝百代則

嗚呼東吳精逸氣感清識楊公拂篋笥舒卷忘寢食
念昔揮毫端不獨觀酒德

臨池

金壺記張芝臨池學書池水盡黑凡家之衣帛必書而後練之

東吳精

李頎贈張顛詩皓首窮草隸時稱太湖精

楊監又出畫鷹十二扇

近時馮紹正能畫鷲鳥樣明公出此圖無乃傳其狀

殊姿各獨立清絕心有向一作疾禁千里馬氣敵萬人

將憶昔驪山宮冬移含元仗天寒大羽獵此物神俱

王當時無凡材百中皆用壯粉墨形似聞識者一惆

悵干戈少暇日真骨老崖嶂為君除狡兔會是翻一作飛

韞上

馮紹正

歷代名畫記馮紹正開元中任少府監八年為戶部侍郎尤善畫鷹鷲雞雉畫其形態睛眼脚爪毛彩俱妙曾于禁中画五龍

堂亦稱其善有降雲蓄雨之感朱景玄名畫錄馮紹正善雞鶴龍水時稱其妙

圖狀

謝赫画品画有六法六傳移模寫是也張彥遠云顧愷之

有摹榻妙法古時好榻画十得七八亦有御

驪山

津陽門詩注申王有高麗赤鷹岐王有北山黃

府榻本謂之官榻十二扇蓋榻馮監畫本也

送殿中楊監赴蜀見相公

去水絕還波洩雲無定姿人生在世間聚散亦暫時

離別重相逢偶然豈定期送子清秋暮風物長年悲

豪俊貴勲業邦家類出師相公鎮梁益軍事無子遺

解榻再見今用才復擇誰况子已高位為郡得固辭

難拒供給費慎哀漁奪私干戈未甚息紀綱正所持

汎舟巨石橫登陸草露滋山門日易久一云夕當念居者

思

計凱

相公大曆元年二月杜鴻漸鎮蜀明年六月入朝鶴曰此詩當是元年秋作按舊書杜亞傳杜鴻漸以宰相出領山劔副元帥以亞及楊炎並

為判官崔寧傳鴻漸至蜀日與判官楊炎杜亞縱觀高會羯鼓錄鴻漸出蜀至嘉陵江與從事楊崖州杜亞輩登驛樓望月行鷗語此詩所謂楊監者豈即崖州耶炎以元載敗貶道州司馬詩云况子已高位為郡得固辭則知炎為判官正以道州司馬辟也炎傳不記其為殿中監其為鴻漸從事却于別傳見之則史之闕遺多矣

贈李十五丈別

峽人鳥獸居其室附層顛下臨不測江中有萬里
多病紛倚薄少留改歲年絕域誰慰懷開顏喜名賢
孤陋忝末親等級敢比肩人生意頗一作氣合相與襟袂
連一日兩遺僕三日一共筵揚論展寸心壯筆過飛
泉玄成美價存子山舊業傳不聞八尺軀常受衆目
憐且為辛苦行蓋被生事牽北迴白帝棹南入黔陽

天泝公制方隅迥出諸侯先封內如太古時危獨蕭

然清高金莖露一作金掌露一作金莖掌正直朱絲絃昔在堯四岳今

之黃穎川于邁恨不同所思無由宣山深水增波解

榻秋露懸客遊雖云久主要陳作亦思月再圓晨集風者亭

醉操雲嶠篇丈夫貴知己歡罷念歸旋

子山周書庾信父肩吾為梁太子中庶子掌管記室東海徐摛為左衛率

號為徐黔陽黔州唐地理志屬江南道汧公李勉肅宗初年為梁州都

庾體焉本黔安縣天寶元年更名督寶應元年建辰月党項

奴刺寇梁州勉棄郡走後歷河南尹徙江西觀察使大曆二年來朝拜京兆

尹李十五自陝中往訪正勉在江西時也南入黔陽天自黔取道之豫章也

舊注云訪勉于梁州甚誤新書大曆十年拜工部尚書封汧國公此詩已稱

汧公知新書誤也唐語林李汧公罷嶺南節度至石門停舟悉搜家人犀象

投水中張彥遠名画記曾祖魏國公與司徒汧公並佐霍國公關內三軍幕

解榻

徐稱傳陳蕃為太守不接賓客唯稱來尚奇清廉簡易為宗臣之表

陳蕃 雲嶠篇 鄭南此詩雲 嶠憶登臨

西閣曝日

凜冽倦玄冬，負暄嗜飛閣。羲和流德澤，顛項愧倚薄。
毛髮具自和，一作私肌膚潛沃若。太陽信深仁，衰氣歛有
託。歆傾煩注眼，容易收病脚。流離或作瀾木杪，一作梢猿翩躚。
山顛鶴用册知，苦聚散哀樂日已作。一作亦卽事會賦
詩，人生忽如昨。一作錯古來遭喪亂，賢聖盡蕭索。胡為將
暮年，憂世心力弱。

課伐木 并序

課諫人伯夷幸一作辛秀信行等入谷斬陰木人日四
根止維條伊枚正直挺然晨征暮返委積庭內我

此月星房

山堂習詩而太
觀書院詩云
私根相為

有藩籬是缺是補載伐篠蕩伊仗一作杖支持則旅次
于小安山有虎知禁若恃爪牙之利必昏黑槿一作撐
搆一作搆窳夔人屋壁列一作列樹白菊一作菊鏝為墻實以竹示
式遏為與虎近混淪乎無良賓客憂一作憂害馬之徒
苟活為幸可嘿息已作詩示宗武一作文誦
長夏無所為客居課奴一作童僕清晨飯其腹一作腸持斧入
白谷青冥曾巔後十里斬陰木人肩四根已亭午下
山麓尚聞丁丁聲功課日各足蒼皮成委積吳本作積委素
節相照燭藉汝跨小籬當仗一作杖若一作若虛竹空荒咆
熊羆乳獸待人肉不示知禁情豈惟干戈哭城中賢
府主處貴如白屋蕭蕭理體淨蜂蠆不敢毒虎穴連

里間隄防舊風俗泊舟滄江岸久客慎所觸舍西崖
嶠壯雷雨蔚含蓄墻宇資屢脩衰年怯幽獨爾曹輕
執熱爲我忍煩促秋光近青岑季月當泛菊報之以
微寒共給酒一斛

夔人

朱仲晦曰夔人正謂夔州人耳而山谷乃有黑月虎夔藩之語此頌
又用躩觸按躩踞見魯靈光殿賦自爲虬龍動貌元無觸義不知山
谷何所
據也

賢府主

鶴曰當是
柏都督

園人送瓜

江間雖炎瘴瓜熟亦不早柏公鎮夔國滯務茲一作一
掃食新先戰士共少及溪一作窮老傾筐蒲鴿青滿眼顏
色好竹竿接嵌竇引注來鳥道沈浮亂水玉愛惜如
芝草落刃嚼冰霜開懷慰枯槁許以秋蒂除仍看小

草一草草草草
字凡兩草草即兩
種也

童

一作兒

抱東陵

一作溪

跡蕪絕楚漢休征討園人非故侯種

此何草草

信行遠修水筒

汝性不如葦清靜僕夫內秉心識本一作根源於事少滯
礙雲端水筒坼林表山石碎觸熱藉子修通流與厨
會往來四十里荒險崖谷大日曛驚未餐一作食貌赤媿
相對浮瓜供老病裂餅嘗所愛於斯答恭謹足以殊
殿最詎要方士符何假將軍蓋作佩行諸直如筆用
意崎嶇外

方士符

神仙傳葛玄取一符投江中順流而下又取一符投江中逆流
而上又取一符投江中停立不動須臾下符上上符下三符合

將軍蓋

古今注曲蓋太公所作武王伐紂大風折蓋太公因折
蓋之形而爲曲蓋焉戰國嘗以賜將軍高麗刻草堂詩

乃取之

七

金曰... 新... 入鼎... 經齒... 蘇... 區區... 時須

作偏注引李武師拔劍乃刺山而

青靑高槐葉採掇

入鼎資過熟加餐愁欲無碧鮮俱照筋香飯兼苞蘆

經齒冷于雪勸人投此一作珠願隨金駉裹走置錦屠

蘇屬麻路遠思恐泥興深終不渝獻芳則小小薦藻明

區區萬里露寒殿開水清玉壺君玉納涼晚此味亦

時須

屠蘇吳若本注云庵也博雅屠麻庵也服虔通俗文屋平曰屠蘇劉孝威結客少年場行插腰銅七首障日錦屠蘇或以爲屠蘇酒非是露

寒上林賦過鳩鵲望露寒注云在雲陽甘泉宮外

行官張望補稻畦水歸

東屯大江北一云枕大江百頃平若按六月青稻多千畦碧

泉亂插秧適云已引溜加溉灌更僕往方塘決渠當

斷岸公私各地著浸潤無天旱主守問家臣分明一作

見溪伴一作芊芊一作炯翠羽刻刻生一作銀漢鷗鳥鏡

裏來關山雪邊看秋菰成黑米精鑿一作傳一作白粲玉

粒足晨炊紅鮮任霞散終然添旅食作苦期壯觀遺

穗及衆多我倉戒滋蔓

玉粒拾遺記山名環丘上有方湖千里多大鵠高一丈羣飛于湖際採不周之粟于環丘之上生穰高五丈其粒皎然如玉紅鮮鮮于注江潮人謂江米曰紅鮮又曰紅鮮謂魚色之鮮如霞也淮南吳越人有此

催宗文樹雞柵

吾衰怯行邁旅次展崩迫愈風傳烏雞秋卵方漫喫

儒川 志教 史傳

和合

相如... 間

自春生成者隨母向百翮驅趨制不禁喧呼山腰宅
課奴殺青竹終日憎一作增赤憤踏藉盤按翻塞蹊使
之隔墻東有隙晉作地可以樹高柵避熱時來晉作歸問
兒所為跡織籠曹其內令人不得擲稀間可一作突過
觜爪還汚席我寬螻蟻遭彼免狐貉厄應宜各長幼
自此均勅敵籠柵念有修近身見一作損益明明領處
分一一當剖析不昧風雨晨亂離減憂感其流則凡
鳥其氣心匪石倚賴窮歲晏撥煩去一作冰釋未似尸
鄉翁拘留蓋阡陌

赤憤

射雉賦摘朱冠之麗赫向注云雉憤赤色故曰朱冠搜神記安陽城
南有亭一書生明術數入亭宿夜半有者赤憤者來問亭主曰向赤憤
者誰答曰西舍
老雄雞父也

風雨

詩序風雨思君子也亂世則思君子不
改其度焉二章風雨如晦雞鳴不已

尸鄉

列仙
傳祝

雞翁者雉人也居尸鄉北山下養雞百餘年雞至千頭
皆立名字欲引呼名即依呼而至後升吳山莫知所在

園官送菜

并序

園官送菜把本數日闕矧苦苜馬齒掩乎嘉蔬傷
小人妬害君子菜不足道也比而作詩

清晨蒙

一作

菜把常荷地主恩守者愆實數略有其名

存苦苜刺如針馬齒葉亦繁青青嘉蔬色埋沒在晉作

中園園吏未足怪世事固堪論嗚呼戰伐久荆棘暗

長原乃知苦苜輩傾奪蕙草根小人塞道路為態何

喧喧又如馬齒盛氣擁葵荏昏點染不易虞絲麻雜

羅紈一經器一作物內永挂麤刺痕志士採紫芝放歌

避戎軒畦丁負籠至感動百慮端

鏡曰易其卦九
亨見陸天宋
程信重其竟
佳今勇出真
陰

後種為苦苣為苦苣

苦苣 本草苦苣即野苣也今人家嘗食為白苣江外嶺南吳人無白苣常植野苣以供厨饌
馬齒 圖經曰馬齒莧葉與人莧葦都不相似陳藏器云陶以馬齒與苣同類按此二物厥類既殊合從別品
葵苳 廣成頌桂苳在鳧葵爾雅苳也爾雅曰苳鳧葵葉團似苳生水中今俗名水葵

上後園山脚

朱夏熱所嬰清旭一作旦步北林小園背高岡挽葛上崎
峯曠望延駐目飄飄散踈襟潛鱗恨水一作川壯去翼依
雲深勿謂地無疆劣於山有陰石椽遍天下水陸兼
浮沉自我登隴首十年經碧岑劔門來巫峽薄倚浩
至今故園暗戎馬骨肉失追尋時危無消息老去多
歸心志士惜白日久客藉黃金敢為蘇門嘯庶作梁
父吟

山陰 陳浩然注山北曰陰時喪亂九州分裂孰若山陰可以避亂也
石椽 杜田補遺唐韻曰椽音原木名皮可食或云善本止是石

原十年 鶴曰公以乾元二年入隴 右至大曆二年為十年
驅監子摘蒼耳

江上秋已分林一作村中瘴猶劇哇丁告勞苦無以供日
夕蓬莠獨不獨一作猶焦野蔬暗泉石卷耳况療風童兒且
時摘一云童僕 先時摘侵星驅之去爛熳任遠適放筐亭一作當午際
洗剝相蒙羃登牀半生熟下筋還小益加點瓜薤間
依稀橋一作木奴跡亂世誅求急黎民糠粃窄飽食復何
心荒哉膏粱客富家厨肉臭戰地骸骨白寄語惡少
年黃金且休擲

蒙羃 夢弼曰謂洗其土剝其毛以筐盛而中覆之也

且陳平傳三食糲粉

方曰... 居... 木... 名... 述... 西... 雨... 鄰... 心... 理... 虛...

秋行官張望督促東渚耗一作刈稻向畢清晨遣女
奴阿稽監子阿段往問

東渚雨今足佇聞粳稻香上天無偏頗蒲稗各自長
人情見非類田家戒其荒功夫競耨耨除草置岸旁
穀者命之一云全本客居安可忘青春具所務勤墾免亂
常吳牛力容易並驅去聲動莫當一云紛豐苗亦已概雲
水照方塘有生固蔓延靜一資隄防督領不無人提
攜一作挈頗在綱荆揚風土暖肅肅候微霜尚恐主守疎
用心未甚臧清朝遣婢僕寄語踰崇岡西成聚必散
不獨陵我倉豈要仁里譽感此亂世忙北風吹蒹葭
蟋蟀近中堂荏苒百工休鬱紆遲暮傷

阻雨不得歸灤西甘林

三伏適已過驕陽化為霖欲歸灤西宅阻此江浦深
壞舟百板坼峻岸復萬尋篙工初一棄恐泥勞寸心
佇一作倚立東城隅悵望高飛禽草堂亂玄圃不隔崑崙
岑昏渾衣裳外曠絕同層陰園甘長成時三寸如黃
金諸侯舊上計厥貢傾千林邦人不足重所迫豪吏
侵客居暫封殖日夜偶瑤琴虛徐五株態側塞煩胸
襟焉得一作能輟兩一作雨足杖藜出嶮嶽條流數翠實偃息
歸碧潯拂拭烏皮几喜聞樵牧音令兒快搔背脫我
頭上簪

雨

陰深日風吹
樹雨
字作虛字用
外里用吹海

峽雲行清曉煙霧相徘徊風吹蒼江樹一作去雨灑石壁
來淒淒生餘寒般般兼出一作山雷白谷變氣候朱炎安
在哉高鳥濕不下居人門未開楚宮久已滅幽珮為
誰哀侍臣書王夢賦有冠古才冥冥翠龍駕多自巫

山臺

翠龍高唐賦規為
旌翠為蓋

雨二首

青山澹無姿白露誰能數片片水上雲蕭蕭沙中雨
殊俗狀巢居曾臺俯風渚佳客適萬里沉思情延佇
挂帆遠色外驚浪滿吳楚久陰蛟螭出冠盜一云冠蓋復幾
許

空山中宵陰微冷先枕席迴風起清曙一作曉萬象萋已
碧落落出岫雲渾渾倚天石日假何道行雨舍長江
白連檣荊州船有士荷矛戟南防草鎮慘霑濕赴遠
役羣盜下辟山總戎備強敵水深雲光廓鳴櫓各有
適漁艇息一作自悠悠一作自歌負樵客留滯一老翁書時記
朝夕

晚登灑上堂

故躋灑岸高頗免崖石擁開襟野堂豁繫馬林花動
雉堞粉如雲山田麥無壠春氣晚更生江流靜猶湧
四序嬰我懷羣盜久相踵黎民困逆節天子渴垂拱
所思注東北溪峽轉修聳衰老自成病郎官未為冗

楚星南天黑蜀月西霧重安得隨鳥翎迫此懼將恐

斯人

蓋指房瑄張鎬嚴武之流公所相期濟世者也

又上後園山脚

昔我遊山東憶戲東嶽陽窮秋立日觀矯首望八

北

荒朱崖著毫髮碧海吹衣裳葍收困用事玄冥蔚強

梁逝水自朝宗鎮名各其方平原獨憔悴農力廢耕

桑非關一作北關風露凋曾是戎役傷於時國用富足以守

邊疆朝廷任猛將遠奪戎口場到今事反覆故老淚

萬行龜蒙不復見况乃懷舊一作故鄉肺萎屬久戰骨出

熱中腸憂來杖匣劍更上林北岡瘴毒猿鳥落峽乾

錄牛日尔止...
山秋...
窮...
非...
...
...

南日黃秋風亦已起江漢始如湯登高欲有往蕩析
川無梁哀彼遠征人去家死路旁不及祖父塋纍纍
塚相當

葍收玄冥

葍收金神西方也玄冥水神北方也窮秋之時葍收將退而玄冥方來喻長安漸凋微而祿山方強梁于范陽也

雨

山雨不作塗江雲薄為霧晴飛半嶺鶴風亂平沙樹

明滅洲景微隱見巖姿露拍悶出門遊曠絕經目趣

消中日伏枕卧久塵及屨豈無平肩輿莫辨望鄉路

兵戈浩未息虵虺反相顧悠悠邊月破鬱鬱流年度

鍼灸阻朋曹糠粃對童孺一命須屈色新知漸成故

窮荒益自卑飄泊欲誰訴厄羸愁應接俄頃恐一作危

迂浮俗何萬端幽人有獨吳作高步龐公竟獨往尚子終
罕遇宿留洞庭秋天寒瀟湘素杖策可入舟送此齒
髮暮

宿留

漢書宿留海上師
古曰有所須待也

甘林

捨舟越西岡入林解我衣青芻適馬性好鳥知人歸
晨光映遠岫夕露見日晞遲暮少寢食清曠喜荆扉
經過倦俗態在野無所或云違試問甘藜藿未肯美輕
肥喧靜不同科出處各天機勿矜朱門是陋此白屋
非明朝步鄰里長老可以依時危賦歛數脫粟爲爾
揮相攜行豈田秋花靄菲菲子實不得喫貨市送王

畿盡添軍旅用迫此公家威主人長跪問戎馬何時
稀我衰易悲傷屈指數賊圍勸其死王命慎莫遠奮
飛

雨

行雲遞崇高飛雨靄而至潏潏石間溜汨汨松上駛
亢陽乘秋熱百穀皆一作亦已棄皇天德澤降焦卷有生
意前雨傷卒暴今雨喜容易不可無雷霆間作鼓增
氣佳聲達中宵所望時一致清霜九月天髣髴見滯
穗郊扉及我私云我圃日蒼翠恨無抱甕力庶減臨

江費

吳若本注峽內
無井取江水喫

種蒿苴

并序

既雨已秋堂下理小畦隔種一兩席許蒿苣向二
旬矣而苣不甲坼伊人一作獨苣青青傷時君子或晚
得微祿輒軻不進因作此詩

陰陽一錯一作亂驕蹇不復理枯旱于其中炎方慘如

燬植物半蹉跎嘉生將已矣雲雷歛奔命師伯集所

使指麾赤白日瀕洞青光一作起雨聲先已一作風散足

盡西靡山泉落滄江霹靂猶在耳終朝紆颯沓信宿

罷瀟灑堂下可以畦呼童對經始苣兮蔬之常隨事

藝其子破塊數席間荷鋤功易止兩旬不甲坼空惜

埋泥滓野苣迷汝來宗生實於此此輩豈無秋亦蒙

寒露委翻然出地速滋蔓戶庭毀因知邪干正掩抑

至沒齒賢良雖得祿守道不封已擁塞敗芝蘭衆多
盛荆杞中園陷蕭艾老圃永為耻登于白玉盤藉以
如霞綺苣也無所施口顏入筐筐

人苣

圖經苣實即人苣也苣有六種入藥者人白二苣

宗生

吳都賦宗生高岡旋茂幽阜

暇日小園散病將種秋菜督勒耕牛兼書觸目

不愛入州府畏人嫌我真及乎歸茅宇一作及歸在茅屋旁舍未

曾嘆老病忌一作拘束應接喪精神江村意自一作放林

木心所欣秋耕屬地濕山雨近甚勻冬菁飯之半牛

力晚一作來新深耕種數畝未甚後四鄰嘉蔬既不一

名數頗具陳荆巫非苦寒採擷接青春飛來兩白鶴

暮啄泥中芹雄者左翮垂損傷已露一作筋一步再流

如題分
三第

此苣字同合下
上三交

血尚經一作驚 贈繳勤 三步六號叫 志屈悲哀頻 鸞鳳不
相待 側頸訴高旻 杖藜俯沙渚 爲汝鼻酸辛

白鵠

古樂府 艷歌 何嘗行 一曰飛鵠 行飛來雙白鵠 乃從西北來 十五五羅列 成行 妻卒 被病 行不能相隨 五里一反顧 六里一徘徊 吾欲

樹汝去 口噤不能開 吾欲負汝去 毛羽何推 頽樂哉 新相知 憂來生別離 躊躇顧羣侶 淚下不自知 夢弼曰 此詩全用古樂府 艷歌行 四解之意

借題函本全已 未年閱此卷後題

己未二月十日送次兒渡江往烏江錄

拙句此本異 二十一字遂是南今昔

己巳四月 廿七日 翁 錄牛

杜工部集卷之七

虞山蒙叟錢謙益箋註

古詩四十九首

居夔州作

八哀詩

并序

傷時盜賊未息興起王公李公歎舊懷賢終于張相國八公前後存沒遂不詮次焉

贈司空王公思禮

高麗人

司空出東□童稚刷勁翮 追隨燕薊兒 穎銳云物不
隔服事哥舒翰 意無音作流沙磧 未甚拔行間 □□大
充斥短小精悍姿 屹然強寇敵 貫穿百萬衆 出入由
咫尺 馬鞍懸將首 甲外控鳴鏑 洗劍青海水 刻銘天

五律 王 鑾 口 八 句
每 一 節 動 人 何 也
錦 日 大 錦 排 空
景 入 八 句 而
五 律 其 中 亦 有
五 律 皆 不 之 取
五 律 焉

山石九曲非外蕃其王轉深壁飛兔不近駕驚鳥資
遠擊曉達兵家流飽聞春秋癖胸襟日沉靜肅肅
自有適潼關初潰散萬乘猶辟易偏裨無所施元帥
見手格太子入朔方至尊符梁益口馬纏伊洛中原
氣甚逆肅宗登寶位塞望勢敦迫通公時徒步至請
罪將厚責際會清河公間道傳玉册清河公房瑄也時自蜀奉太上皇册命至諫上
以為可收後天王拜跪畢讜議果冰釋翠華卷飛雪一云飛雪中
熊虎巨阡陌屯兵鳳凰山帳殿涇渭關金城賊咽喉
詔鎮雄所搃禁暴清一作靖無雙爽氣春浙瀝巷有從
公歌野多青青麥及夫哭廟後復領太原役恐懼祿
位高悵望王土窄不得見清時嗚呼就窀穸永一作空繫

金城千里

五湖舟悲甚田橫客千秋汾晉間事與雲水白昔觀
文苑傳豈述廉藺績一作蹟嗟嗟晉作鄧大夫士卒終倒戟

鄧景山為太原尹為軍眾所殺

行間思禮營州城旁高麗人也父虔威為朔方將少習軍旅隨節度使王忠嗣至河西與哥舒翰對為押衙及翰為隴右節度使思禮與

中郎周必甲外鮮于注甲外軍陣之外也九曲拔石堡城除石金吾

為翰押衙九曲思禮後期欲引斬之續使命釋偏裨哥舒翰為元帥奏充元帥府

之思禮徐言曰斬則斬却與何物偏裨馬軍都將每事獨與思禮決

手格安祿山事蹟至關津驛火拔歸仁帥諸將叩馬請降祿山翰

其喉又被奪鞭摧馬塞望夢弼曰言肅宗即位于靈武請罪潼關失

就乾祐送于洛陽塞望勉從勸進之請以塞人望也請罪守西赴

行之可收後効遂斬承光而釋思禮崇貴新書云宰相房瑄諫以為可收後

効遂獨斬承光安祿山事蹟十六日玄宗幸蜀十七日至金城宿是夜王

思禮自潼關至始知哥舒翰被擒以思禮為河西隴右節度使即今赴鎮

屯兵與房瑄

便橋之戰不利除為關內節度使尋遣守武功賊將安守忠等來戰思禮以其眾退守扶風賊游兵至太和關去鳳翔五十里鳳翔戒嚴上命郭子儀以朔方之眾擊之而退

金城 寰宇記景龍四年送金城公主至始平縣因改為金城城至德二載復為興平思禮為關內節度使鎮此黃鶴以為河西之金城謬矣

太原 從廣平王收西京領兵先入清宮遷兵部尚書霍國節度使貯軍糧百萬器械精銳尋加守司空

鄧大夫 思禮薨管崇嗣自武德以來三公不居宰相惟思禮而已

京留守數月召景山代崇嗣思禮立法嚴整士卒不敢犯景山以文吏見稱至太原以鎮撫紀綱為已任檢覆軍吏隱沒者軍眾憤怒遂殺景山

故司徒李公光弼 廣德二年七月卒

司徒天寶末北收晉陽甲 一作備 騎攻吾城愁寂意不憊人安若泰山薊北斷右脅朔方氣乃 一作多 蘇黎首見帝業二宮泣西郊九廟起頽壓未散河陽卒思明偽臣妾復自碣石來火焚乾坤獵高視笑祿山公又大獻捷 一云獻大捷 異王册崇勲小敵信所怯擁兵鎮河汴千

里初妥帖青蠅紛 一作徒 營營風雨秋一葉內省未入朝死淚終映睫大屋去高棟長城掃遺堞平生白羽扇零落蛟龍匣雅望與 晉作歎 英姿惻愴槐里接三軍晦光彩烈士痛稠疊直筆在史臣將來洗箱篋吾思哭孤冢南紀阻歸楫扶顛永蕭條未濟失利涉疲苒竟何人洒涕巴東峽

晉陽 祿山之亂命郭子儀為朔方節度收兵河內玄宗眷求良將委以太守充河東節度副使潼關失守授戶部尚書兼太原尹北京留守史思明等四偽帥率眾十萬餘攻太原拒守五十餘日伺其怠出擊大破之斬首七萬

河陽 思明設慶緒即偽位破洛陽光弼率軍赴河陽大破賊眾斬萬餘級

之上又敗之遂拔懷州生擒安太清周擊揚希文等送于闕下進爵臨淮郡王顏魯公神道碑乾元二年冬十月甲申賊將周摯悉河北之眾萃于河陽城北思明以河南之眾頓于河陽南城之南南北夾攻表裏受敵公設奇分銳襲其虛而大破摯軍擒其大將徐瑒玉摯僅以身免思明心悸

氣索烟火不舉者三日官軍大振河汴譚賓錄光弼之未至河南也田神功平劉展後

拒而還襄陽朝廷患之及光弼自河中入朝復拜太尉出鎮臨淮至徐州

史朝義退走田神功遠歸河南尚衡殷仲卿來瑒皆懼其威名相繼赴關

吐蕃犯都上手詔追光弼率眾赴長安光弼與程元振不協遷延不至初

光弼御軍嚴肅天下服其威名及懼朝恩之害不敢入朝田神功等諸軍

皆不受其制因此不得志愧耻成疾薨于徐州神道碑遂趣徐州因召田

神功與同寢宿以宋州之難告祖道郊外俾先飲以寵之分麾下隸于其

將喬岫仍令兵馬使郝庭玉與岫犄角而擊之賊遂一戰而走土在陝州

以公兼東都留守制書未下久待命于徐州將赴中都屬痢疾增劇公知

不起使使齋表奉辭廣德二年七月薨于官舍將吏問以後槐里志長安

事公曰吾久在軍中不得就養今為不孝子矣夫復何言

里故城即大丘城在興平縣東南一十里即漢書所謂槐里環隄者也神

道碑定公于富平縣先塋之東銘曰渭水川上禮山路旁檀山在縣西北

四十里漢武帝墓在槐里之茂陵衛青霍去病墓去茂陵不光彩國史

三里光弼墓在馮翊猶徭霍之接近槐里故曰惻愴槐里接補郭

汾陽自河陽入李太尉代領其兵舊營壘也舊士卒也舊旗幟也光弼一號令之精彩皆變

贈左僕射鄭國公嚴公武永泰元年卒

鄭公瑚璉器華岳金天晶昔在童子日已聞老成名

嶷然大賢後復見秀骨清開口取將相小心事友生

閱書百紙二云盡落筆四座驚歷職匪父任嫉邪常力

爭漢儀尚整肅一作騎忽縱橫飛傳自河隴逢人問公

卿不知萬乘一作出雪涕風悲鳴受詞劔閣道謁帝蕭

關城寂寞雲臺仗飄飄沙塞旌江山少使者笳鼓凝

皇情壯士血相視一作忠臣氣不一作平密論貞觀體揮

發岐陽征感激動四極聯翩收二京西郊牛酒再一作

原廟丹青明匡汲俄寵辱備霍竟哀榮四登會府地

三掌華陽兵京兆空柳色一作尚書無履聲群鳥自朝

夕白馬休橫行諸葛蜀人愛文翁儒化成公來雪山

重公去雪山輕記室得何遜韜鈴延子荆四郊失壁

壘虛館開逢迎堂上指圖一作書畫軍中吹玉笙豈無成

都酒憂國只細傾時觀錦水釣問俗終相并意待

滅人藏紅粟盈以茲報主願度或一作獲禪世程炯炯

一心在沉沉二豎嬰顏回竟短折賈誼徒忠貞飛旄

出江漢孤舟轉荆衡虛無舊本作虛為時本作虛馬融笛悵

望龍驤坐空餘老賓客身上愧簪纓

大賢後

舊書中書侍郎挺之子神氣雋爽敏于聞見幼有成人之風讀

歷臺省亦有時名娶裴卿之女繼二夕夢一人佩服金紫美鬢曰諸葛

亮也來為夫人兒既妊而產嬰孩其狀端偉頗異常流舊注人賢後謂挺

謂嚴子陵非也小心唐詩紀事甫與武世契也嘗醉河隴武在隴

使哥舒翰奏充判官遷侍御史此云飛傳自河隴蓋祿山之亂謁帝舊

武自河隴訪知乘輿所在趨赴劍閣然後玄宗遣赴行在也謁帝書

至德初武仗節赴行在房瑄以武名臣之子素重之至是首薦才畧可稱

累遷給事中按公此詩則武亦如張鑄房瑄以玄宗命赴行在者也房瑄

首薦之而旋坐瑄黨詔書與劉秩並列亦蕭關應劭曰回中在安定高

以蜀郡舊臣之故也當據以補唐史之闕蕭關平有險阻蕭關在其北

如淳曰匈奴傳入朝那蕭關蕭關在安定朝那縣也寰宇記平涼府高平

縣本漢高平屬安定郡蕭關故城在縣東南三十里肅宗自彭原至平涼

郡數日始回軍趨靈武四登為京兆少尹拜成都尹遷京兆尹三掌

武蓋于平涼謁肅宗也四登復拜成都尹故云四登會府地三掌

華陽按舊書嚴武傳武初以御史中丞山為綿州刺史遷東川節度使

再拜成都尹兼御史大夫充劍南節度使三遷黃門侍郎拜成都

尹充劍南節度等使詩所謂三掌華陽兵主恩前後三持節者是也惟史

于武傳不記其遷拜出鎮之歲月而兩川之分合新舊書志表與諸書互

異莫能歸一余詳考之兩川之分也舊書地理志云至德二載十月玄宗

駕迴西京改蜀郡為成都府長史為尹又分劍南西川東川各置節度使

武成都尹兼御史大夫充劍南節度使則合兩川在武再鎮之日余謂舊書武傳是而志表諸書皆非也按高適傳劍南自玄宗還京後于綿益二州各置一節度適因出西山三城置成論之疏奏不納後綿州副使段子璋反崔光遠不能戢軍以適代光遠為成都尹劍南西川節度使以適傳考之適論罷西川節度在子璋未反之前及于璋反李真敗而光遠不能兼制東川故朝廷用適前論合兩川為一而罷東川也光遠之罷也武實代之武召入以適代適失西山三州又以武代適實代武而武又代適謂適代光遠者誤也趙抃玉壘記曰上元二年東劍段子璋反李真走成都崔光遠命花驚定平之縱兵剽掠士女至斷腕取金監軍按其罪冬十月憲死其月廷命嚴武此武代光遠之証寶應元年杜有嚴中丞見過詩曰川合東西瞻使節系曰自東川除西川敕令兩川都節制此武再鎮時合兩川之証也李真雖重有節度亦不能久于東川何自真後直至張獻誠無一人除東川者乎故曰舊書武傳是而他皆非也若大曆初復分兩川舊書云在崔寧鎮蜀之後而方鎮表以為元年會要及虛求成都序記以為二年正月按元年杜鴻漸表張獻誠以山南西道兼領東川至二年而始定此又當以舊書會要為是也舊書既失之不詳多所抵牾而通鑑則尤踳駁武之初鎮通鑑既失載而再鎮則載于寶應元年六月是年四月召武入朝二聖山陵為橋道使却云六月出鎮七月徐知道反以守劍閣武九月尚未出巴故杜有何路出巴山之句而云知道守要害拒武武不得進何背謬之甚也胡三省泥于通鑑乃云武只再鎮劍南唐書蓋因杜詩致有此誤則紕繆更不可

柳色

張敞傳為京兆尹時罷朝曾過走馬章臺街游俠傳城西柳市漢宮闕疏

云細柳倉有柳市三輔黃圖**馬融笛**馬融長笛賦序獨卧郡縣平陽郎中有雜客舍逆旅吹笛為氣出精列相和融去京師踰年覽聞甚悲而樂之殷芸小說馬融性好音樂善鼓琴吹笛笛聲一發感得精翠出吟有如相和出融別傳**龍驤**王濬傳葬柏谷山大營塋城葬垣周四十五里面別開一門松栢茂盛

贈太子太師汝陽郡王璉

天寶九載卒

汝陽讓帝子眉宇真天人虬鬚似太宗色映塞外一作塞

春往者開元中主恩視遇頻出入獨非時禮異見羣

臣愛其謹潔極倍此骨肉親從容聽一作退朝後或在風

雪晨忽思格猛獸苑囿騰清塵羽旗動若一萬馬肅

號詔王來射雁拜命已挺身箭出飛鞞內上又一作入

回翠麟翻然紫塞關下拂明月輪口人雖獲多天笑

不為新王每中一物手自與金銀袖中諫獵書扣馬

高公公壽此有
多情思妙句
故得注云
行明皇者
見獨故之
云

久上陳竟無銜際虞聖聰一作慈矧多仁官免供給費水
有在藻鱗匪唯帝老大皆是王忠勤晚年務置醴門
引申白賓道大容無能永懷侍芳茵好學尚貞烈義
形必霑巾揮翰綺繡揚篇什若有神川廣不可泝墓
久狐兔鄰宛彼漢中郡王弟漢中王瑀文雅見天倫何以開一作慰
我悲泛舟俱遠津溫溫昔風味少壯已書紳舊遊易
磨滅哀謝增一作多酸辛

虬鬚

南郡新書太宗文皇帝虬鬚上可挂一弓西陽雜俎太宗虬鬚常戲張挂弓矢

主恩

南卓羯鼓錄汝陽王瑊寧王長子也

姿容妍美秀出藩邸玄宗特鍾愛焉自傳受之又以其聰悟敏慧妙達音旨每隨遊幸頃刻不舍上嘗語花奴資質明瑩肌髮光細非人間人必神仙滿墮也寧王謙謝隨而短斥之上笑曰大哥不在過慮阿瞞自是相師花奴端秀適人當更得公卿間令譽耳新書進眉宇秀整性謹潔善射帝愛之
猛獸張彥遠名畫記高平公鎮太原進玄宗馬射真圖表曰玄宗天之縱神武藝冠前王凡所遊畋必有繪事豈止雲夢殪兕楚人美

旌蓋之雄潯陽射蛟漢史稱舳艦之盛玉海陳闕畫玄宗馬射圖

贈秘書監江夏李公邕

長嘯宇宙間高才日陵

一作淪

替古人不可見前輩復誰

繼憶昔李公存詞林有根柢聲華當健筆灑落富清

製風流散金石追琢山岳銳情窮造化理學貫天人

祭于謁走其門碑版照四裔各滿深望還森然起凡

例蕭蕭白楊路洞徹

晉作

寶珠惠龍宮塔廟湧

下作湧

浮雲

一作空

衛宗儒俎豆事故吏去思計眇眇已皆虛跋

涉曾不泥向來映當時豈獨

一作特

勸後世豐屋珊瑚鈎

騏驎織成罽紫駟隨劔几義取無虛歲分宅脫驂間

感激懷未濟眾歸調給美擺落多藏

晉作

穢獨步四十

年風聽九臯。嗚呼江夏姿。竟掩宣尼袂。往者武后朝。引用多寵嬖。否臧太常議。面折二三晉。張勢衰俗凜。生風排蕩秋。旻霽忠貞負。負寬恨宮闕。深旒綴放逐。早聯翩低垂。困炎厲日斜。鵬鳥入魂斷。蒼梧帝榮榮。一作榮。榮枯走不暇。星駕無安稅。幾分漢廷竹。夙擁文侯篲。終悲洛陽獄。事近小臣敝。一作敝。禍階初負謗。易力何深瘳。伊昔臨淄亭。酒酣托未契。重叙東都別。朝陰改軒砌。論文到崔蘇。指一作指。盡流水逝近。伏盈川雄。楊未甘特進。麗李是非張相國。說蔡相扼一危脆。爭名古豈然。鍵捷英華作關鍵注云鍵捷二字廣韻通用歛不閉例一作例及吾家詩曠懷掃氛翳。慷慨嗣真作李容嗟玉山桂。鍾律儼高懸。鯤鯨噴

迢遰坡陁。青州血蕪沒。汶汶陽瘞哀。贈竟蕭條息。波延揭厲子孫存。如綫舊客舟。凝滯君臣尚。論兵將帥接。燕薊朗咏六公篇。張恒等五王洎狄相六公憂來豁蒙蔽。

碑版

舊書邕早擅才名尤長碑頌雖貶職在外中朝衣冠及天下寺觀多齎持金帛往求其文前後所製凡數百首受納饋遺多至鉅萬時議以為自古鬻文獲財未有如邕者

獨步

唐詩紀事邕知名長安中死天寶初四十年間可謂獨步矣累獻詞賦甚稱玄宗後因上計中使臨索其新文以文章徹天

二張

召拜左拾遺御史中丞宋璟奏侍臣張昌宗兄弟有不順之望陛下可其奏則天色稍解始允璟所請孔璋書曰往者張易之用權人畏其口而邕折其角韋氏恃勢言出禍應而邕挫其鋒顏魯公宋文貞碑

張易之

昌宗兄弟席寵脅權天下側目公危冠入奏奮不顧身天后失色倉皇欲起拾遺李邕奏曰陛下坐則天下安起則天下危遂俱攝詣臺庭

放逐

邕始以與張東之善貶雷州玄宗立切責二豎股栗氣索不敢仰視自朝至于日晏敕使馳救之

太常議

太常博士李處直議章巨源諡曰昭

豈再

豈再言請付法推斷則天初不應邕在陛下進曰璟言事關社稷

立切責

立切責二豎股栗氣索不敢仰視自朝至于日晏敕使馳救之

括州徵為陳州立宗東封回邕于汴州謂見累獻詞賦頗自矜銜張說甚惡之發陳州賊事抵死孔璋上書請代邕死貶欽州累轉括滑滑三州刺史天寶初為汲**洛陽獄**邕與柳勣馬一匹及勣下獄吉溫令勣引邕議郡北海二太守**御史羅希夷**馳往就郡決殺之年七十餘後漢蔡邕傳下**崔蘇**新書李邕實于洛陽獄邕集曰以辛卯詔書收邕送洛陽詔獄**是**融蘇味道齊名朝野僉載李嶠崔融蘇味道杜審言為文章四友世號崔李蘇杜崔蘇者融味道也唐詩紀事註云崔信明蘇源明誤矣**非**張說曰揚盈川文思如懸河注水酌之不竭既優于盧亦不減王耻居王後信然愧在盧前謙也又曰李嶠崔融薛稷宋之問之文如良金美玉無施不可特**關鍵**老子道經善閉無關鍵而不可開河上公注善以進謂李嶠也**嗣真作**杜審言有和李大夫嗣**哀贈**唐詩紀事代宗時國恩例贈秘書監**六公篇**趙誠金石錄唐六公詩李邕撰胡履靈書余初讀八哀詩恨不見其詩晚得石本其文詞高古真一代佳作也六公者五王各為一章秋丞相為一章董道書跋云李北海六公咏今泰和集中雖有詩而無其姓名又其說一章不盡或遺余荆州六公咏石刻文既不刊故得盡存可以序載于此五王皆狄公所進故邕歎其成大功者六人詩尤奇偉豪氣激發如見斷齧立極時至今讀之令人想望風采宜老杜有云余見邕他文亦不若是壯厲警拔殆感憤而作故氣激于內而橫放于外者也序言邕為荆州今新舊書皆不書

箋曰論文以下論其文也揚李崔蘇邕同時文筆之士邕之論文也嘆崔蘇之已逝伏盈川而口特進與燕公之論相合燕公首推盈川次及崔李世皆嘆其是非之當何至于邕則相扼不少貸蓋崔李已皆沒而邕獨與說爭名說雖忌刻亦邕之露才揚已有以取之盧藏用所以致戒于干將莫邪也關鍵欬不閉用老子道經之言也例及以下論其時也邕之詩可以接踵我祖六公之篇可以追配嗣真之作所謂鍾律儼高懸鯨鯨噴迢遞也膳部之歿也李嶠以下請加命武平一為表上之邕既子孫如綫而已則舊客凝滯此所以感今追昔而不能自己于哀也

故秘書少監武功蘇公源明

武功少也孤徒步客一作寓徐充讀書東岳中十載考墳

典時下萊蕪郭忍饑浮雲嘯負米晚為身每食臉必

泣夜字照蕪薪垢衣生一作帶碧蘇庶以勤苦志報茲劬

勞顯一作願學蔚醇儒姿文包舊史善灑落一作淚辭幽人歸

來潛京輦射君東堂策魯作射策宗匠集精選制可題

未乾乙科一作登已大闡文章日自負吏祿晉作亦累

題墨

上卷之七

戲員時新本失

踐晨趨闔闔內足踏宿昔躡一麾出守還黃屋朔風
 卷不暇陪八駿口庭悲所遣平生滿樽酒斷此朋知
 展憂憤病二秋有恨石一作不可轉肅宗復社稷得無逆
 順辨范曄顧其兒李斯憶黃犬秘書茂松意文苑英華云秘書茂
松色屢扈祠壇墀前後百卷文枕藉皆禁鬱篆刻楊維流漢漲本末淺
仲正本屢扈作再從篆刻制作 溟漲本末淺青
 熒芙蓉劍犀兕豈獨劇反為後輩褻予實苦懷緬煌
 煌齋房芝事絕萬手塞垂之俟來者正始徵一作貞避嫌名勸
 勉不要一作惡懸黃金胡為投乳一作亂贊結交三十載吾與
 誰遊行榮陽復冥冥罪罟已橫胥音嗚呼子逝日始
 泰則晉作終蹇長安米萬錢凋喪盡餘喘戰伐何當解
 歸帆阻清沔尚纏漳水疾永負蒿里錢

新書源明京兆武功人少孤寓居徐兗工文詞有名天寶間及進士第更
 試集賢院累遷太子諭德出為東平太守召為國子司業祿山陷京師以
 病不受偽署肅宗復西京擢考功郎中知制誥後以秘書少監卒
 前殿東西堂亦魏制於周小寢也晉起居注成帝咸康二年依中興故事
 朔望聽政中堂按摯虞舉賢良武帝詔諸賢良方正直言會東堂策問故
 曰射策君東堂也
 唐有尚書省東堂制可蔡邕獨斷羣臣有所奏請尚書令奏之有制
 科唐令諸進士試時務策五條帖所讀一大經十帖得四足躡舊注風
其由貧賤中也足賦曰 范曄文苑辯証八哀詩范雲顧其兒當從集作
躡莊子云百舍重趺 范曄范曄宋書曄謀反誅將死顧念其兒也
 齋房芝漢武帝大興祠祀齋房生芝而作歌肅宗時宰相王與以乳
祈禱進禁中禱祀窮日夜源明數陳政治得失上疏極諫
 贊爾雅贊有力注曰出大秦長安米鶴曰舊書廣德二年自秋及冬
國有養者似狗多力獷惡 漳水劉楨詩余嬰沈痾
言之蘇鄭皆當卒于是年 故著作郎貶台州司戶榮陽鄭公虔
 鷓鴣至魯門不識鐘鼓響孔翠望赤霄愁思一作入雕籠

養榮陽冠眾儒早聞名公賞地崇士大夫况乃氣精

爽往者公在疾蘇許公頤位尊望重素未相識早愛才名躬自哀問後結忘年之契遠邇嘉之天然生知姿學立

游夏上神農極闕漏黃石愧師長藥纂西極一作城名兵

流指諸掌公著蒼葢最等諸書之外又撰本草七卷貫穿無遺恨管最何技癢

圭臬星經與蟲篆丹青廣子雲窺未遍方朔諧太枉

神翰顧不一體變鍾兼兩文傳天下口大字猶在榜

昔獻書畫圖新詩亦俱往滄洲動玉陛一作寡宣一作鶴誤一

響三絕自御題四方尤所仰嗜酒益疎放彈琴視天

壤形骸實土木親近唯几杖未曾寄一作覺官曹突兀倚

書幌晚就芸香閣塵昏垓莽反覆歸聖朝點染無

滌盪老蒙台州椽泛泛英華作澗江漿履穿四明雪飢

王不棟文胡

拾樵溪椽空聞紫芝歌不見杏壇丈天長眺東南秋

色餘颺颺別離慘至今斑白徒懷曩春深秦一作秦山秀

葉墜清渭朗劇談王侯門野稅林下鞅操紙終夕酣

時物集遐想詞場竟疎闊平昔濫吹一作晉獎百年見存

沒牢落吾安放一作蕭條阮咸在出處同世網他日訪

江樓含悽述飄蕩著作與今秘書監鄭君審篇翰齊價謫江陵故有阮咸江樓之句

兵流新書慶學長于地理山川險易方隅物產兵戎眾寡無不詳常為天寶軍防錄言典事該諸儒服其善著書蒼葢封

見記天寶中協律郎鄭虔採集異聞著書八十餘卷人有竊窺其草藁告虔私修國史虔聞而遽焚之由是貶謫十餘年方從調選授廣文館博士虔所著書既無別本後更纂錄率多遺忘猶成四十餘卷書未有名及為廣文博士詢于國子司業蘇源明源明請名會萃取爾雅序會萃舊說也西河太守盧象贈虔詩曰書名會粹才偏逸酒號屠蘇味更醇即此之謂也高元之曰虔自謂著書雖多皆碎小之事也後人傳寫誤為會粹唐新書曰名其書技癢射雉賦徒心煩而技癢徐爰注曰有技為會粹則誤矣

技癢射雉賦徒心煩而技癢徐爰注曰有技為會粹則誤矣圭臬景

圭臬景

圭臬景

圭臬景

殿賦制無細而不協于規景作無微而或
違于水臬鄭玄曰禁古文臬假借字也
有三體一曰銘石書二曰章程書三曰行押書金壺記絲工三色書草隸
八分最優度善草隸故云兼兩也金壺記又云呂惣曰鄭虔書如風偏雲

收震催 **三絕** 唐詩紀事虔自寫其詩并畫以獻帝大署其尾曰鄭虔三絕
四明 天台賦登陸則有四明天台謝靈運

運山居賦注曰天台四明相接 **槽溪** 謝靈運山居賦曰凌石橋之莓苔越槽溪之縈紆天台賦濟槽溪

而直進顧愷之啓蒙記注曰之天台山去天不遠路經槽溪水深險清冷
前有平橋路徑不盈尺長數十丈下臨絕澗唯忘其身然後能濟寰宇記
槽溪在臨海縣 **阮咸** 舊書鄭審絲之子亦善詩翰乾元中任袁州刺史東三十五里

故右僕射相國 英華有曲江二字 **張公九齡** 開元二十八年七月卒

相國生南紀金璞無留礦仙鶴下人間獨立霜毛整

矯然江海 一作漢 思復與雲路永寂寞想土 一作玉 階未遑等

箕穎上君白玉堂倚君金華省碣石 一作場 歲崢嶸天地

一作池 日蛙黽退食吟大庭何心記 一作託 榛梗骨驚畏曩哲

鬢 一作鬚 變負人境雖蒙換蟬冠右地恣多幸敢忘 一作志

疏歸痛迫蘇耽井紫綬 一作金紫 映暮年荆州謝所領庾公

興不淺黃霸鎮每靜賓客引調同諷詠在務屏詩罷

地有餘 一云詩地能有餘 篇終語清省一陽發陰管淑氣含公鼎

乃知君子心用才文章境散帙起翠螭倚薄巫廬並

綺麗玄暉擁棧誅任昉騁自我 一作成 一家則 一作制 未缺隻

字警 一作嘗 秋滄海南名繫朱鳥影歸老守故林戀闕情

難上請再讀徐孺碑猶思理烟艇

仙鶴 九齡家傳九齡母夢九鶴自天而下飛集于庭遂生九齡 **白玉堂金華省** 翼奉傳文帝時未央

宮又無高門武臺麒麟鳳凰白虎玉堂金華之殿西都賦金華玉堂注黃圖曰未央宮有金華殿大玉堂殿楊雄傳上玉堂晉灼注云黃圖有大玉

平生神聖絕
范雲詩

堂小玉堂殿今本無漢書鄭寬中張禹朝夕入說尚書論語

于金華殿中沈約八詠講金華今議宣室書武帳兮文昌

陽偏禪入奏九齡見之本詩張曲江與李林甫同列林甫疾之碣石在范

曰亂幽州者此難也榛梗若仇曲江度其巧譎慮終不免為海蕪詩

以致意曰無心與物競唐六典注云侍中二人正六品冠武弁右

鷹隼莫相猜亦終退斥大冠加金璫附蟬為文取居高飲清

地九齡為中書令恐為林甫所危因帝賜白羽扇乃獻賦自况帝雖優答

卒以尚書右丞相罷政事明皇雜錄九齡泊裴耀卿罷免之日自中書

至月華門將就班列二人鞠躬甲遜林甫處其中抑揚自得觀者竊謂一

離挾兩免俄而詔張裴為左右僕射罷知政事林甫怒曰猶為左右丞相

耶二人趣就本班林甫目送水經注桂陽列仙傳云蘇耽

之公卿已下視之不覺股栗蘇耽井縣人少孤養母至孝辭母云受

性應仙當違供養又曰年將大疫死者累半穿一井飲水可得無恙九齡

初以母老固請換江南一州數承音耗後丁母喪歸鄉里故云痛迫蘇耽

井也今郴州橋九齡薦長安尉高子諒為監察御史坐引非其人

并在蘇仙故宅左遷荆州大都督府長史俄請歸拜墓因遇疾卒

賓客孟浩然還襄陽張九齡鎮詩篇中書舍人姚子願狀其行曰公

吟莫非興寄荆州署為從事與之唱和詩篇以風雅之道興寄為主一句一

時皆諷誦焉九齡徐徵君碣曰有唐開元十五年予奉牧茲邦

孤此風流是仰在懸榻之後想見其人有表墓之儀豈

地

寫懷二首

詩院云風

勞生共乾坤何處異風俗冉冉自趨競行行見羈束

無貴賤不悲無富貧亦足萬古一骸骨鄰家遞歌哭

鄙夫到巫峽三歲如轉燭全命甘留滯忘情任榮辱

朝班及暮齒日給還脫粟編蓬石城東採藥山北一作林

谷用心霜雪間不必條蔓綠非關故安排曾是順幽

獨達士如茲直小人似鈎曲曲直我不知負暄候樵

牧

夜深坐南軒明月照我鄰驚風翻河漢梁棟已出日

羣生各一宿飛動自儔匹吾亦驅其兒營營為

私實晉作天寒行旅稀歲暮日月疾榮名忽二云中人世

亂如蟣虱古者三皇前滿腹志願畢胡為有結繩陷
此膠與漆禍首燧人氏厲階董狐筆君看燈燭張轉
使飛蛾密放神八極外俯仰俱蕭瑟終契如往還

契真如得匪合仙術一作歸匪金仙術

可歎

天上浮雲如一作似白衣斯須改變如蒼狗古往今來共

一時人生萬事無不有近者抉眼去其夫陳作河東女

兒身姓柳丈夫正色動引經陳作鄴城客子王季友羣書

萬卷常暗誦孝經一通看陳作在手貧窮老瘦家賣屐履作

好事就之為携酒豫章太守高帝孫引為賓客敬頗

久聞一作問道三年未曾語小心恐懼閉其口太守得之

更不疑人生反覆看亦醜明月無瑕豈容易紫氣鬱

鬱猶衝斗時危可仗真豪俊二人得置君側否太守

頃者領山南邦人思之比父母王生早曾拜顏色高

山之外皆培塿用為義和天為成用平水土地為厚

王也論道阻江湖李也丞疑曠前後死為星辰終不

滅致君堯舜焉肯朽吾輩碌碌飽飯行風后力牧長

迴首

王季友

困學記聞李友肅代間詩人也殷璠謂其詩放蕩愛奇務險然

征所從誰諸侯重才畧見子如瓊枝即豫章賓客之事也潘淳詩話元結

篋中集載季友數詩殊高古唐江西新幢子記題各云使兼御史中丞李

勉兼監察御史王季友蓋勉罷京兆尹以御史中丞歸兩臺出為江西觀

朝廷重于鎮定咨爾宗枝勉移獨坐之權實專方面豫章太守勉於

豫章太守勉於

初為梁州都督山南西道觀察使後由京兆尹徙江西觀察使大曆二年
來朝拜京兆尹故云頃者領山南潘渾曰高帝孫者李勉也鄭惠王元懿
生安德郡公琳琳生擇言擇言生勉鶴云勉為京兆尹故曰領南山誤也
鶴曰隆興有石幢載勉在張鎬之後魏少遊之前鎬以廣德二年九月卒
勉即以是月繼之則
詩當作于二年也
風后力牧聖賢羣輔錄風后受金法力墨受準
斥宋均曰力墨或作力牧右黃帝七

觀公孫大娘弟子舞劍器行并序

大曆二年十月十九日夔府別駕元持一作特宅見臨

穎李十二娘舞劍器壯其蔚跂問其所師一本此下曰

余公孫大娘弟子也開元三載一作五載時公年六歲公
七齡思即壯六歲觀劍似

無不可詩云五十年間似反掌自開元五年至
是年凡五十一年草堂注云疑作十一載誤也

余尚童穉記於

鄭城觀公孫氏舞劍器渾脫瀏灑頓挫獨出冠時

自高頭宜春梨園二伎一作坊內人泊外供奉曉是

舞者聖文神武皇帝初公孫一人而已玉貌錦一作

衣况余白首今茲弟子亦匪盛顏既辨其由來知

波瀾莫二撫事慷慨聊為劍器行往者吳人張旭

善草書書帖數常於鄴一作葉縣見公孫大娘舞西河

劍器自此草書長進豪蕩感激即公孫可知矣

昔有佳人公孫氏一舞劍器動四方觀者如山色沮

喪天地為之从低昂燿音如羿射九日落矯如羣帝

驟龍翔來一作木如雷霆收震怒罷如江海凝清光絳唇

珠袖兩寂寞一作陳作晚有弟子傳芬芳臨穎美人在白

帝妙舞此曲神揚揚與余問荅既有以感時撫事增

惋傷先帝一作皇侍女八千人公孫劍器初第一五十年

返郎教

右曰此詩本存卷一
疑作却不言事
然有李氏在卷一
矣此信有疑

先

間似反掌風塵傾動一作昏王室梨園子弟散如烟女

樂餘姿映寒日金粟堆南木已拱瞿唐石城草一作蕭

瑟玳筵急管曲復終樂極哀來月東出老夫不知其

所往足繭荒山轉愁疾一作

明皇雜錄天寶中上命宮女數百人為梨園弟子皆居宜春北苑上素曉音律時有馬仙期李龜年賀懷智皆洞曉音度安祿山從范陽入觀亦獻白玉簫管數百事皆陳于梨園自是音響遂不類人間諸公主洎號國以下競為貴妃弟子每授曲之終皆廣有進奉時有公孫大娘者善舞劍能為鄰里曲及裴將軍滿堂勢西河劍器渾脫遺妍妙皆冠絕于時也又曰開元中有公孫大娘善舞劍器僧懷素見之草書遂長蓋壯其頓挫勢也歷代名畫記開元中裴曼善舞劍吳道玄觀曼舞畢揮毫益進時又有公孫大娘亦善舞西河劍器渾脫張旭見之因為之草書杜甫歌行述其事是知書畫之藝皆須意氣而成亦非懦夫所能作也

往在

往在西京日一作來滿彤一作宮中宵焚九廟雲漢為

之紅解瓦飛十里總帷紛一作曾空疚心惜木主一一

灰悲風合昏排鐵騎清旭散錦驂一作賊臣表逆節晉作

相賀以成功是時妃嬪戮連為糞土叢當宁陷玉座

白間剝盡蟲不知二聖處私泣百歲翁車駕既云還

楹桷歛穹崇故老復涕泗祠官樹椅桐宏壯不如初

已見帝力雄前春禮郊廟祀事親聖躬微軀忝近臣

景從陪羣公登階捧玉冊一作金鍾侍祠忝先

露一作掖垣邇濯龍天子惟孝孫五雲起九重鏡奩換

粉黛翠羽猶葱朧前者厭羯一作後來遭一作俎豆腐

請闕下士庶塞關中主將曉逆順元元歸始終一朝

結到九廟

自罪已一云罪已萬里車書通鋒鏑供鋤犁征戍聽所從
冗官各復業士著還力農君臣節儉足朝野歡呼一作娛
同中興似一作此國初繼體如太宗端拱納諫諍和風日
冲融赤墀櫻桃枝隱映銀絲籠千春薦陵寢永永垂
無窮京都不再火涇渭開愁容歸號故松栢老去苦
飄蓬

木主天寶末兩都傾陷神主亡失肅宗既復舊物建主作廟于上都其東都神主大曆中始于人間得之會昌五年中書門下奏東都太廟九室神主共二十六座祿山取太廟為軍營神主棄于街巷所司潛聚見在太微宮新造小屋之內錦驃廣韻驃子曰京以素驃運御府珍寶于范陽故白間景福殿賦皎皎白間離離列錢曰散錦驃善注改作錦幪非是善注白間青瑣之間以白塗之今猶謂之白間

濯龍後漢后紀帝幸濯龍中後漢馬皇后紀置織室蓋于濯龍之白間鏡奩陰后紀帝從席前伏御床視太后鏡奩中物感動悲涕令易脂澤裝具西極西極指口口山東指史朝義諸降將也

昔遊

昔者與高李通晚一作登單父臺寒蕪際碣石萬里風

雲來桑柘葉如雨飛藿去一作共徘徊清霜大澤凍禽獸

有餘哀是時倉廩實洞達寰區一作瀛開猛士思滅口將

帥望三台君王無所惜駕馭英雄材幽燕盛用武供

給亦勞哉吳門轉粟帛泛海陵蓬萊肉食一作四十萬

獵射起黃埃隔河憶長眺青歲已摧頽不及少年日

無復故人盃賦詩獨流涕亂世想賢才有一作君能市駿

骨莫恨少龍媒商山議得失蜀主脫嫌猜呂尚封國

邑一云內國傳說已鹽梅景晏楚山深水鶴去低回龐公在
本性携子卧蒼苔

方曰此詩有三段
前段言高李登
單父父所見
景也中段言明皇
時天下富強李天
夫人有功名之望
末段言天下承平
高李已去而李天
矣我新老得可
隨處問如三句
中故重而久之
蜀王信意而定

有終老于嘉州
宜我上初心也

方曰此詩乃公自教
皆以地州指吳越
此段自
此意亦少游易得

尋子探古跡
未已也
陰懷古法連不
舍也
此言自
此言自
此言自

單父臺

元和郡國志單父縣古魯邑貞觀十七年
隸宋州寰宇記琴臺在縣北一里高三丈
水經碣石山

淪縣南水中也注曰秦始皇漢武帝皆嘗登之海水西侵歲月逾甚
而苞其山故言水中矣山海經注或曰在右北平驪城縣海邊山

台 夢弼曰時寵任蕃將使侍邊功
商山 謂李泌為肅宗彌縫匡救上皇
即日還京也唐人多以蜀王指

明皇者李賀過華清宮云蜀
王無近信泉上有芹芽是也
呂尚 似指房公罷相後册封清河郡公也
言國邑雖封而相業則已矣楚山以

下自傷其不遇也其文意似斷
續不可了所謂定哀多微詞耳

壯遊

往昔一作十四五出遊一作翰墨場斯文崔魏徒崔鄭州尚魏

以我似一作班揚七齡思即壯開口詠鳳凰九齡書大

字有作成一作一囊性豪業嗜酒嫉惡懷剛腸脫畧一作小

時輩結交皆老蒼飲酣視八極俗物都茫茫東下姑

蘇臺已具浮海航到今有遺恨不得窮扶桑王謝風

流遠闔廬丘墓荒劍池石壁仄長洲荷芰香嗟峩闔

門北清廟映迴塘每趨吳太伯撫事淚浪浪枕戈

憶勾踐渡浙想秦皇蒸魚聞七首除道晒要章越女

天下白鑑湖五月涼剡溪蘊秀異欲罷不能忘歸帆

拂天姥中歲貢舊鄉氣劇屈賈壘目一作短曹劉牆忤

下考功第獨辭京尹堂放蕩齊趙間裘馬頗清狂春

歌叢臺上冬獵青丘旁呼鷹阜一作檝一作林逐獸雲雪

岡射飛曾縱鞚引一作臂落鴉鷁蘇侯據鞍喜監門曹忽

如携葛强快意八九年西歸到咸陽許與必詞伯賞

貴一作遊寶賢王曳裾置醴地奏賦入明光天子廢食召

羣公會軒裳脫身無所愛受痛飲信行藏黑貂不一作

仁已凋廢志不亮矣

此言宗曉年淫

不以此初山

西蜀南宗

此言力捨

救房指三司

幸而免死

免弊斑鬢兀稱觴杜曲晚一作耆舊四郊多白楊坐深

鄉黨敬日一作覺死生忙朱門任一作傾奪赤族迭罹殃

國馬竭粟豆官鷄輸稻粱舉隅見煩費引古惜興亡

河朔風塵起岷山行幸長兩宮各警蹕萬里遙相望

崆峒殺氣黑少海旌旗黃禹功亦命子涿鹿親戎行

翠華擁英一作岳螭虎噉豺狼爪牙一不中口兵更陸

梁一作軍載草草凋瘵滿膏盲備員竊補袞憂憤心

飛揚上感九廟焚一作下憫萬民一作瘡斯時伏青蒲廷

爭守御床君辱敢愛死赫怒幸無傷聖哲體仁恕宇

縣復小康哭廟灰燼中鼻酸朝未央小臣議論絕老

病客殊方鬱鬱苦不展羽翮困低昂秋風動哀壑碧

蕙捐一作徽芳之推避賞從漁父濯滄浪榮華敵勲業

歲暮有嚴霜吾觀鴟夷子才格出尋常羣凶逆未定

側佇英俊翔

崔魏唐科名記崔尚擢久視二年進士唐會要神龍三年才膺管樂科魏啓心及第清廟吳郡志太伯廟東

京邑營立寢堂號曰清廟矣夢弼徒據清廟為証而黃鶴又辨之曰孫和

明陵在烏程縣此乃指和除道朱買臣傳會稽太守至發民除道入

故宅之廟注家之愚如此朱太守妻慚自經于此蒸魚除道皆詠吳郡故事也

剡溪次州禪院記州縣既至省由戶部集閱而關於考功員外郎試之唐據言俊秀等科比

皆考功主之開元二十四年廷議以省郎位不足以臨多士乃詔禮部侍

郎專之公以鄉貢下考功第當在二十四年故名叢臺蓋本六國時趙王故臺也在邯鄲城中元和郡國志在磁州邯

鄲縣城內東北隅郡國志曰邯鄲有叢臺故劉劭趙都賦曰結雲閣于南

此言必死而老
不能得而群
亦未珍哉
子重
期矣

宇立叢臺于

青丘

于虛賦秋田乎青丘傍徨乎海外服虔曰青丘國在東三百里謝靈運山居賦注青丘齊之海外

鬢

秋興賦斑鬢

粟豆

吳若本注漢行太常三輔粟豆

官雞

東城父老傳玄宗即位治雞坊于兩室間選六軍小

兒五百人使馴擾教飼

兩宮

兩宮各警蹕刺靈武之事也禹功亦命子謂肅宗曰立而後玄宗始加冊命不得比于禹之命子也之推

避賞從喻已之賞薄而不自言耻與靈武諸臣爭功也

遣懷

昔我遊宋中。惟梁孝王都。各今陳留亞。劇則具魏俱。邑中九萬家。高棟照通衢。舟車半天下。主客多歡娛。白刃讐不義。黃金傾有無。殺人紅塵裏。報答在斯須。憶與高李輩。論交入酒壚。兩公壯藻思。得我色敷腴。腹氣酣登吹。臺懷古視平蕪。芒碭雲一去。雁鶩空相呼。先帝正好武。寰海未凋枯。猛將收西域。長戟破

林口百萬攻一城。獻捷不云輸。組練棄如泥。尺土負

一作

百夫拓境功未已。元和辭大爐。亂離朋友盡。合沓

歲月徂。吾衰將焉託。存沒再嗚呼。蕭條益堪愧。獨在

天一隅。

一云蕭條病益甚塊獨天一隅

乘黃已去矣。凡馬徒區區。不復見

顏鮑繫舟卧荆巫。臨殮吐更食。常恐違撫孤。

宋中

元和郡國志漢文帝以皇子武為梁王都大梁以其地卑濕東徙睢陽今宋州也

吹臺

元和郡國志吹臺在開封縣南

東六里水經注陳留風俗傳縣有蒼頡師曠城上有列仙之吹臺梁王層築以為吹臺城隍口滅畧存故址其臺方一百許步即阮嗣宗咏懷詩所謂駕言發魏都南向望吹臺蕭管有遺音梁王安在哉晉世喪亂乞活憑居削隴故臺遂成二層上基猶方四五十步高一丈餘世謂之乞活臺又謂之婆臺城九城志後有繁姓居側亦名繁臺唐于西云世以謝希逸常為雪賦又謂之雪臺新書甫從高適李白過汴州酒酣登吹臺慷慨懷古人莫

芒碭

碭山縣漢碭縣隋屬宋州

西域

開元末高仙芝討小勃律下坦駱嶺所

路班

林口

高適信安王幕府詩序開元二十年國家有事林口詔信安王總戎大舉舊書開元十九年信安王瑋出范陽之北大破

師

王總戎大舉舊書開元十九年信安王瑋出范陽之北大破

奚契丹兩蕃之衆唐會要開元二十六年張守珪大破契丹
林口遣使獻捷胡三省曰契丹即戰國時林口地故云然
寶應元年卒高以永泰元
年卒故曰存歿再嗚呼
存沒

同元使君春陵行 并序

覽道州元使君結春陵行兼賊退後示官吏作二
首志之曰當天子分憂之地效漢官舊良吏之目
今盜賊未息知民疾苦得結輩十數公落落然
錯天下為邦伯萬物吐晉氣天下少一作安可得矣
一作不意復見比興體制微婉頓挫之詞感而有詩
增諸卷軸簡知我者不必寄元晉
遭亂髮盡一作白轉衰病相嬰一作沉綿盜賊際狼狽江
漢行歎時藥力薄為客羸瘵成吾人詩家秀一作博采

世上名粲粲元道州前聖畏後生觀乎春陵作歟見
俊哲情復覽賊退篇結也實國植賈誼昔流動匡衡
常引經道州憂一作黎庶詞氣浩縱橫兩章對秋月一作
一字借一作華星致君唐虞際純樸憶一作大庭何時降
璽書用爾為丹青獄訟永衰息豈唯偃甲兵悽惻念
誅求薄斂近休明乃知正人意不苟飛長纓涼飈振
南岳之子寵若驚色阻一作金印大興含滄浪一作清我
多長卿病日夕思朝廷肺枯渴太甚漂泊公孫城呼
兒具紙筆隱几臨軒楹作詩呻吟內墨淡字韻傾感
彼危苦詞庶幾知者聽

春陵行 有序

元結

癸卯歲漫叟授道州刺史道州舊四萬餘戶經賊
已來不滿四千大半不勝賦稅到官未五十日承
諸使徵求符牒二百餘封皆曰失其限者罪至貶
削於戲若悉應其命則州縣破亂刺史欲焉逃罪
若不應命又卽獲罪戾必不免也吾將守官靜以
安人待罪而已此州是春陵故地故作春陵行以
達下情

軍國多所須切責在有司有司臨郡縣刑法竟一作意欲
施供給豈不憂徵斂又可悲州小經亂亡遺人實困
疲大鄉無十家大族命單羸朝殮是草根暮食乃樹
皮出言氣欲絕意速行步遲追呼尚不忍况乃鞭朴

之郵亭傳急符來往迹相追更無寬大恩但有迫促
期欲令鬻兒女言發恐亂隨悉使索其家而又無生
資聽彼道路言怨傷誰復知去冬山賊來殺奪幾無
遺所願見王官撫養以惠慈奈何重驅逐不使存活
爲安人天子命符節吾所持州縣忽亂亡得罪復是
誰遣緩違詔令蒙責固所宜前賢重守分惡以禍福
一作移亦云貴守官不愛一作憂能適時顧唯孱弱者正直
當不虧何人採國風吾欲獻此辭

賊退示官吏

有序

元結

癸卯歲西原賊入道州殺掠一云焚燒殺掠幾盡而去明年
賊又攻永破邵不犯此州邊鄙而退豈力能制敵

蓋蒙其傷憐而已諸使何為忍苦徵斂故作詩一篇以示官吏

昔歲逢太平山林二十年泉源在庭戶洞壑當門前
井稅有常期日晏猶得眠忽然遭世變數歲親戎旃
今來典斯郡山□又紛然城小賊不屠人貧傷可憐
是以陷鄰境此州獨見全使臣將王命豈不如賊焉
今彼徵斂者追之如火煎誰能絕人命以作時世賢
思欲委符節引竿自刺船將家就魚羹一作窮老江
湖邊

顏魯公表墓碑家于武昌之樊口歲餘上以君居貧起家為道州刺史州為西原賊所陷人十無一戶纔滿千君下車行古人之政二年間歸者萬餘家賊亦懷畏不敢來犯既受代百姓詣闕請立生祠客齋隨筆次山集中載其為道州刺史上謝表兩通其一云今日刺史若無武畧以制暴亂

若無文才以救疲弊若不清廉以身率下若不變通以救時須則亂將作矣臣料今日州縣堪徵稅者無幾已破敗者實多百姓戀故墓者蓋少思流亡者乃眾則刺史宜精選謹擇以委任之固不可拘限官次得之貨賄出之權門者也其二云今四方兵革未寧賦斂未息百姓流亡轉甚官吏侵刻日多實不合使凶庸貪猥之徒凡弱下愚之類以貨賄權勢而為州縣長官觀大山表語但因謝上而能極論民窮吏惡勸天子以精擇長吏自謝表以來未之見也余是以備錄之以風後之君子

李潮八分小篆歌

蒼頡鳥跡既茫昧字體變化如浮雲陳倉石鼓又一作文
已訛大小二篆生八分秦有李斯漢蔡邕中間作者
寂不聞嶧山之碑野火焚棗木傳刻肥失真苦縣光
和尚骨立書一作畫貴瘦硬方通神惜哉李蔡不復一作可得
吾甥李潮下筆親尚書韓擇木騎曹蔡有鄰開元已
來數八分潮也奄有二子成三人况潮小篆逼秦相

此言... 傳朝自言實... 負也... 方曰... 未末... 篆有... 孟先... 今人多... 此字...

者身

快劍長戟森相向八分一字直百一作金蛟龍盤拏肉
屈強吳郡張顛誇草書草書非古空雄壯豈如吾甥
不流宕丞相中郎丈人行巴東一作逢李潮逾月求我
歌我今衰老才力薄潮乎潮乎奈汝何

李潮

金石錄唐惠義寺彌勒像碑李潮八分書潮書初不見重于當時
絕工非韓蔡比也吾行學古篇云陽冰名潮杜甫之甥後以字行遂別字
少溫海賦云陽冰不洽陰火潛然則知名潮有理按陽冰趙郡人太白之
從叔寶應元年已為當塗宰吾子行以游賦二語想像

石鼓

石鼓文周王之微碣也其鼓有十因其石之自然麗有鼓形字為于其考
祭酒欲以數索馳輿致太學不從餘慶始遷之鳳翔孔子廟又曰韓愈
以為宣王鼓章應物以為文王鼓宣王刻自岐陽集古錄始設三疑鄭樵
摘番殿二字見于秦斤秦權而指以為秦鼓焉劉詞臣馬定國以宇文泰
常蒐岐陽而指以為後周物予不得不辯筆道曰傳曰成有岐陽之蒐杜
預謂還歸自奄乃大蒐于岐陽叔向曰昔成王盟諸侯于岐陽楚為荆蠻
置茅絕首于蒐岐陽世遂無聞哉方成康與穆賦頌鍾鼎之銘皆番吾之

跡則此為番吾可知呂氏記曰蒼頡造大篆後世有科斗書則謂篆為籀
漢制八書有大篆又有籀書張懷瓘以杜下史始變古文或異謂之為篆
而籀文蓋以其名自著宣王世史所作也是大篆又與籀
異不得定為史籀所書程大昌雍錄亦云是成王鼓也 一篆八分
許氏說文解字序宣王太史籀著大篆十五篇與古文或異秦兼天下李
斯作蒼頡篇趙高作爰歷篇胡毋敬作博學篇皆取史籀大篆或頗省改
所謂小篆者也是時官獄職務繁初有隸書以趣約易而古文由此絕矣
師古曰篆書謂小篆始皇使程邈所作也隸書亦程邈所獻主于便隸從
簡易也水經注古文出于黃帝之世蒼頡本鳥跡為字取其孳乳相生故
文字有六義焉自秦用篆書焚燒先典古文絕矣魯恭王得孔子宅書不
知有古文謂之科斗書蓋因科斗之名遂成形耳言大篆出于周宣之
時史籀創著平王東遷文字乖錯秦之李斯兩母敬又改籀書謂之小
篆故有大篆小篆焉然許氏字說專釋于篆云本古文言古隸之書起
于秦代而篆字之繁蕪會劇務故用隸人之省謂之隸書或云即程邈於
雲陽增損者是言隸者篆捷也張懷瓘書斷八分者秦羽人上谷王次仲
所作也水經注曰上郡王次仲變蒼頡舊文為今隸書秦王三召不至令
盤車送之次仲化為大鳥落翮于居庸山中明次仲是秦人既變蒼頡書
即非效程邈隸也按蔡邕勸學篇上谷王次仲初變古形是也始皇之世
出其數書小篆古形猶存其半八分已減小篆之半隸又減八分之半然
可云子似父不可云父似子故知隸不能生八分矣八分則小篆之捷隸
亦八分之捷本謂之楷書楷隸初制大範幾同故後人惑之學者務之蓋
其歲深漸若八字分散故又名之曰八分唯蔡伯喈乃造其極焉按郭氏

亦八分之捷本謂之楷書楷隸初制大範幾同故後人惑之學者務之蓋
其歲深漸若八字分散故又名之曰八分唯蔡伯喈乃造其極焉按郭氏

佩觿言蔡邕以隸作八分體又曰小篆散而八分嶧山封演聞見記嶧山始皇刻石其生八分破而隸書出則其言自相矛盾不足據也

文李斯小篆後魏太武登山使人排倒之然而歷代摹拓以為楷則邑人疲于奔命聚薪其下因野火焚之由是殘缺不堪摹寫然尤上官求請行李登涉人吏轉益勞弊有縣宰取舊文勒于石碑之上凡成數片置之縣解須臾則拓取今間有嶧山碑皆新刻之碑也集古錄嶧山碑秦二世詔李斯篆今俗謂之嶧山碑史記不載其字特大不類泰山存者其本出于徐鉉又有別本出于夏竦家自唐封嶧已言嶧山碑非真而杜甫直謂秦末書刻耳金石錄秦嶧山刻石鄭文寶得其摹本于徐鉉刻石置之長安據唐封演所云則人間所有皆新刻之本而杜以為秦末傳刻豈又有別本歟

苦縣光和洪邊徼所作碑云延熹八年八月帝夢老子尊而祀之帝紀此年春冬兩遣中常侍至苦祀老子水經注咸蒙城王了喬碑亦云延熹八年八月帝遣使致祀蓋武帝方修神廟之事故一時禮國競作碑表此石立于延熹無疑杜云苦縣光和誤也金石錄老子銘傳蔡邕文并書杜詩云云世云此碑是也然而邊徼延熹八年作非光和未可知甫所云是此碑否近時周越書苑遂以為詔文而豈書初無所據潘淳曰北岳碑後漢光和二年立苦縣老子廟亦漢碑字刻極勁杜詩謂二碑也洪述云今之言漢字者則謂之隸言唐字者則謂之分不知在秦漢時分隸已兼有之孫根及華山亭碑為漢人八分無疑也按碑皆立于光和安知杜所謂光和**韓擇木**韓愈科斗書後記愈叔父去卿當大曆世文辭者非指此耶

擇木善八分寶泉述書賦韓常侍則八分中興伯喈如在光初之美古今遠代昭刻石而成各類神都之冠蓋宣和書譜韓擇木昌黎人官至工部尚書散騎常侍工隸兼作八分字隸學之妙唯蔡邕一人而已擇木能追其遺法風流開媚世謂中興焉

蔡有鄰述書人而巳擇木能追其遺法風流開媚世謂中興焉

包蔡鄰功夫亦到出于人意乃近天造注有鄰濟陽人善八分本拙弱至天寶之間遂至精妙相衛中多其跡書史會要邕十八代孫官至右衛率府兵曹參軍工八分書書法

丞相中郎國史補李陽冰善小篆自言瘦勁驅使筆墨得如意

不足言書斷斯小篆入神大篆入妙伯喈八分飛白入神大篆小篆隸書入妙

覽柏中允兼子姪數人除官制詞因述父子兄弟四美載歌絲綸

紛然喪亂際見此忠孝門蜀中寇亦甚相氏功彌存
 深誠補王室戮力自元昆三止錦江沸獨清玉壘昏
 高名入竹帛新渥照乾坤子弟先卒伍芝蘭疊璵璠
 同心注師律洒血在戎軒絲綸實具載絳冕已殊恩

奉公舉骨肉誅叛經寒溫一作金甲雪猶凍朱旗塵不
翻每聞戰場說欬激懦氣奔聖主國多盜賢臣官則
尊方當節鉞用必絕履沴根吾病日迴首雲臺誰再
論作歌挹盛事推轂期孤寡

柏中允蔡興宗正異云當作中丞注家云卽柏茂琳貞節起兵討崔旰者
集所謂夔府柏都督也按新舊書帝紀及杜鴻漸崔寧傳載茂琳貞節事
彼此互異今合而考之爲郭英父之前軍與崔旰戰敗于成都西門者柏
茂琳也以邛州牙將起兵討崔旰者柏貞節也英父之敗郭英幹以都知
兵馬使爲左軍郭嘉琳以都虞侯爲後軍而茂琳爲前軍是時旰亦西山
都知兵馬使耳茂琳之官與三人相類可知茂琳敗英父死而貞節復
自邛劔起兵與旰爲難柏氏實爲職志是故鴻漸至駱谷卽請授茂琳爲
邛南防禦使旰爲西山防禦使以兩解之旰入成都又請授旰爲西川節
度行軍司馬茂琳爲邛南節度使而貞節等爲本州刺史各令解兵方鎮
表云大曆元年置邛南防禦使治邛州尋升爲節度使未幾廢置邛南西
山防禦使治茂州未幾廢二使之置廢專爲旰與茂琳也舊書帝紀邛州
牙將誤書茂琳又帝紀不書授貞節刺史而鴻漸傳不書授茂琳節度故
先後瞻駁也邛南節度旋廢史不書茂琳他除旰卽拜夔州都督乎謝上
表云就其小效復分深憂察旰劔南區區恐失臣節如彼失臣節者旰也

曰劔南區區則絲劔南而荆南可知也絲綸詩曰紛紛喪亂際見此忠孝
門深誠補王室戮力自元昆同心注師律酒血在戎軒奉公舉骨肉誅叛
經寒溫則豈非茂琳貞節出于一門同心討旰之証乎杜又有柏二別駕
將中丞命詩云遷轉五州防禦使廣德二年置夔涪忠都防禦使治夔州
夔州都督當兼領防禦使中丞蓋其兼官也茂琳以節度使遷夔州而貞
節自牙將起兵遂授刺史此詩云方當節鉞用必茂琳非貞節也史旣不
詳而通鑑尤爲闕
誤故詳辨之于此

聽楊氏歌

佳人絕代歌獨立發皓齒滿堂慄不樂響下清虛裏
一作引江城帶素月况乃清夜起老夫悲暮年壯士淚
雲裏如水玉盃久寂寞金管迷宮徵勿云聽者疲愚智心
盡死古來傑出士一作事豈待一知己吾聞昔秦青傾側
天下耳

秦青

列子薛譚學謳于秦青張湛
注一人並秦國之善歌者

支那華華行商街
看劍望嶺廟
鵬鵬如翅
連屬云
在甲中人
膏塗刃
鑄此
屬字

荆南兵馬使太常卿趙公大食刀歌

太常樓船聲嗷嘈問兵刮寇趨楚地下牢楚地牧出令奔
飛百艘猛蛟突獸紛騰逃白帝寒城駐錦袍玄冬示
我口國刀壯士短衣頭虎毛憑軒拔鞘天為高翻風
轉日本一作怒號冰翼雪淡傷哀孫鑄錯碧巖鵬鵬膏
銜鏢一作已營虛秋濤鬼物撇振辭一作坑壕蒼水使
者批赤條龍伯國人罷釣鼈芮公迴首顏色勞分閩
救世用賢豪趙公玉立高歌起攬紫結佩相終始萬
歲持之護天了得君亂絲與君理蜀江如線如針水
徒為耳妖腰亂領敢欣喜用之不高亦不庠不似長

劍須天倚呼嗟光祿英雄弭大食寶刀聊可比丹青
宛轉麒麟裏光芒六合無泥滓

下牢

十道志三峽口地曰峽州上牢下牢楚蜀

鷓鴣

爾雅註鷓鴣似

刀蒼水

搜神記秦時有人夜渡河見一人丈餘

龍伯

列子龍伯之國

庫

射雉賦如軒如軒不高不庠注

長劍

宋玉大言賦方地為輿圓

不

食

舊唐書大食本在波斯之西

荆岑

山之高岑

大

王兵馬使二角鷹

悲臺蕭颯

一作悲

石龍

衰壑

枒浩呼

刊作

海中有萬里

之長江迴風滔

一作

日孤光

動角鷹

翻倒壯士

臂將軍

玉帳軒翠

云昂

氣二鷹

猛腦徐侯

秘

荆作條徐侯趙云徐侯

秘殊無理義介甫善本

子... 敵... 一...
白... 一... 一...
子... 記... 文... 法...

作條徐墜于理或然目如愁。視天地。杉雞竹兔不自惜。溪一作虎野羊俱碎易。韞上鋒稜十二翮。將軍勇銳與之敵。將軍樹勳起安西。崑崙虞泉入馬蹄。白羽曾肉三狡狴。敢決豈不與之齊。荆南芮公得將軍。亦如角鷹下翔。人翮一作雲。惡鳥飛飛啄金屋。安得爾輩開其羣。驅出六合梟鸞分。

角鷹西陽雜俎雞角鷹等四月一日停放五月上旬置籠埋翠氣賦魏彦深鷹賦深目威眉狀似愁口

十一翮博步鷹賦左看若側右視俊猊魏彦深鷹賦立如植木望似愁

秋明府博濟寄秋明府一作

梁公曾孫我姨弟。不見十年官濟濟。大賢之後竟陵

遲浩蕩古今同一體。比看叔伯四十人。有才無命百

寮底。今者兄弟一百人。幾人卓絕秉周禮。在汝更用

文章為長兄。白眉復天啓。汝門請從曾翁公說。太后

當朝多巧詆計。狄公執政在末年。濁河終陳浩然不污本作中

清濟。國嗣初將付。諸武公獨廷諍。守丹陛。禁中決册

漢官威儀重。昭洗時危始。識不世才誰謂茶。苦其如

薺。汝曹又宜列土一作食。身使門戶多旌棨。胡為漂泊

岷漢間。干謁王侯頗歷抵一作况。乃山高水有波。秋風

蕭蕭露泥泥。虎之飢下囓。昆蛟之橫出清泚。早歸來

黃土泥衣浩然本作眼易眯黃汚人衣

浩然本作黃汚人衣眼易眯

決册

舊書中宗自房陵還宮則天匿之帳中召仁傑以廬陵為言仁傑慷慨敷奏言發涕流遂出中宗謂仁傑曰還卿諸君仁傑降階泣賀既已奏曰太子還宮人無知者物議安審是非則天以為然乃復置中宗于龍門具禮迎歸人情感悅仁傑前後匡復奏對凡數萬言北海太守李邕撰為梁公別傳備載其辭

秋風二首

秋風淅淅吹巫山上牢下牢修水關吳檣楚柁牽百丈暖向神都寒未還要路何日罷長戟戰自青羌連百

一作連百

唐志峽州西北二十八里有下牢鎮有黃牛山元和郡縣志下牢鎮在夔陵縣二十八里隋于此置峽州貞觀九年移于步關壘其舊城因置鎮方輿勝覽下牢溪在砂歸縣西六十里舊注上牢巫峽下牢夔陵百丈

為牽具是名百丈南史朱超石傳宋武北代超石董舟師人河陽軍人緣河南岸牽百丈有漂度北岸者陸游入蜀記上峽惟用罽及百丈不復張帆百丈以巨竹四破為之大如人臂予所乘千六百斛舟已用罽六枝百

丈兩神都

唐志光宅元年號東都曰神都青羌水經注青衣縣故有青衣羌國也竹導岷山青衣水來歸華陽國志天漢四年罷沈黎置兩部都尉一治旄牛主外羌一治青衣主漢民郡國志漢嘉故青衣陽嘉二年改白蠻唐會要東謝蠻在黔州之西數百里北至白蠻通鑑武德七年以白狗羌等地置維恭二州中巴方輿紀勝華陽國牧以墊江以上為巴郡江州至臨江為永寧郡荆

秋風淅淅吹我衣東流之外西日微天清小城擣練

急石古細路行人稀不知明月為誰好早晚孤帆他

也夜歸會將白髮倚庭樹故園池臺今是非

久雨期王將軍不至

天雨蕭蕭帶茅屋空山無以慰幽獨銳頭將軍

來何遲令我心中苦不足數看黃霧亂玄雲時聽巖

風折喬木泉源泠泠雜猿狖泥濘漠漠飢鴻鵠歲

錦樹行

今日苦短昨日休。歲云暮矣增離憂。霜凋碧樹待荆

行錦樹萬壑東逝無停留。荒戍之城石色古。東郭老

人住青丘。飛書白帝營斗粟。琴瑟几杖柴門幽。青荆

草萋萋盡枯死。天馬跂陳作與驥足隨羗牛。自古聖賢

多薄命。姦雄惡少皆封侯。一作封公侯故國三年一消息。終

南渭水寒悠悠。五陵豪貴反顛倒。鄉里小兒狐白裘。

生男墮地要膂力。一生一作生女富貴傾邦國。莫愁父母少

黃金。天下風塵覓亦得。

犛牛山海經荆山其中多犛牛注旄牛屬也黑也山西南徼外也音隄

生男傳玄豫章行云苦相身為女甲

赤霄行

孔雀未知牛有角。渴飲寒泉逢舐觸。赤霄玄圃須往

來。翠尾金花不辭辱。江中淘河嚇飛鷺。銜泥却落羞

華屋。皇孫猶曾蓮勺困。衛一作鮑莊見貶傷其足。老翁慎

莫怪少年葛亮貴。和書有篇丈夫垂名動萬年。記憶

細故非高賢。

孔雀嶺南異物志交趾郡人網捕孔雀採其金翠毛裝為扇拂

蓮勺宣帝紀常困于蓮勺鹵中衛莊見左傳

前苦寒行二首

漢時長安雪一丈。牛馬毛寒縮如蝟。楚江巫峽冰入

懷虎豹哀號又堪記秦城老翁荆揚客慣習炎蒸歲
締絡玄冥祝融氣或交手持白羽未敢釋

長安雪

西京雜記元封二年大寒雪深一丈野中鳥獸皆死牛馬踣地如蠟三輔人民凍死者十有二三

去年白帝雪在山今年白帝雪在地凍埋蛟龍南浦

縮寒刮

陳作

肌膚北風利楚人四時皆麻衣楚天萬里

英華

無晶輝

三足之鳥足

英華

恐斷義和送將何所歸

一作

送送將安歸

作送之將安歸

後苦寒行二首

南紀巫廬瘴不絕太古以來無尺雪蠻口長老怨苦

寒崑崙天關凍應折

英華

折玄猿口噤不能嘯白鶴翅垂

眼流

一作

血安得春泥補地裂

南紀

舊注巫廬二山南國之綱紀也唐天文志李淳風撰法象志以天下山河分為兩戒北戒自積石終南負地絡之陰東及太華踰河

並雷首底柱王屋太行北抵常山之右乃東循塞垣至瀝貊朝鮮是為北

紀所以限口也南戒自岷山嶓冢負地絡之陽東極太華連高山熊耳

外方桐栢自上洛南踰江漢携武當荆山至于衡陽乃東循嶺徼達東甌

至閩中是為南紀所以限蠻口也故星傳謂北戒為口門南戒為越門

晚

一作

來江門

邊

失大水猛風中夜吹

英華

白屋天兵斬

斷

英華

青海戎殺氣南行動地軸不爾苦寒何太

酷

英華

巴東之峽生凌澌彼蒼回軒

舊作軒

人得知

一作

其

晚晴

高唐暮冬雪壯哉舊瘴無復似塵埃崖沈谷沒白皚

皚江石缺裂青楓摧南天三旬苦霧開赤日照耀從

西來六龍寒急光徘徊照我衰顏忽落地口雖吟咏

心中哀未怪及時少年子揚眉結義黃金臺洎

陳作

雪在山云云雨雨云云

吾生何飄零支離委絕同死灰

復陰

方冬合沓玄陰塞昨日晚晴今日黑萬里飛蓬映天
過孤城樹羽揚風直江濤簸一作岸黃沙走雲雪埋山
蒼兕吼君不見夔子之國杜陵翁牙齒半落左耳聾

夜歸

夜來歸來衝虎過山黑家中已眠卧傍見北斗向江
低仰看明星當空大庭前把燭噴一作兩炬峽口驚猿
聞一箇白頭老罷舞復歌杖藜不睡誰能那

老罷

顧况集閩俗呼子為用父為郎罷此云老罷亦戲用閩俗語也

寄栢學士林居

音真同可字

自口之反持干戈天下學士亦奔波歎彼幽棲載典

籍蕭然暴露依

一作

山阿青山萬里

一作

靜散地白雨一

洗空垂蘿亂代飄零余

一作

到此古人成敗子如何荆

揚春冬異風土巫峽日夜多雲

一作

雨赤葉楓林百舌

鳴黃泥

一作

野岸天雞舞盜賊縱橫甚密邈形神寂寞

甘辛苦幾時高議排金門各使蒼生有環堵

天雞

爾雅翰天雞謝靈運詩天雞弄和風爾雅釋翰亦有雞天雞楊文公談苑杜詩兩用天雞皆指鳥也

寄從孫崇簡

嗟峨白帝城東西南有龍湫北虎溪吾孫騎曹不騎

一作

馬業學尸鄉多養雞龐公隱時盡室去武陵春樹

他人迷與汝林居未相失近身藥裏酒長携牧豎樵

童亦無賴莫令斬斷青雲梯

青雲梯

謝靈運詩惜無同懷客共登青雲梯張湛列子注曰雲梯可以陵虛

奉酬薛十二丈判官見贈

忽忽峽中睡悲風一作秋方一醒西來有好鳥為我下青

冥羽毛淨一作盡白雪慘澹飛雲汀既蒙主人顧舉翮唳

孤亭持以比佳士及此慰揚舲清文動哀玉見道發

新矧欲學鴟夷子待勒燕山銘誰重斷虵劍一作云國重斬邪劍

致君君未聽志在麒麟閣無心雲母屏卓氏近新寡

豪家朱門一作戶局相如才調逸銀漢會雙星客來洗粉

黛日暮拾流螢不是無膏火勸郎勤六經老夫自汲

澗野水日泠泠我歎黑頭白君看銀印青卧病識山

鬼為農知地形誰矜坐錦帳苦厭食魚腥東西兩岸

坻晉作岸兩坻橫一作積水注滄溟碧色忽一作苦惆悵風雷搜百靈

空中石一作有白虎赤節引娉婷自云帝里一作李女嘆雨鳳

凰翎襄王薄行跡莫學冷如丁一作冰千秋一拭淚夢覺

有微馨人生相感動金石兩青熒丈人但安坐休辨

渭與涇龍蛇尚格鬪洒血暗郊坰吾聞聰明主治一作活

國用輕刑銷兵鑄農器今一作天歲方寧文一作天王日儉德

俊又始盈庭榮華貴少壯豈食楚江萍

斷虵

吳若本注云斬邪用朱雲事斷虵恐非人臣所用按李賀詩權璩楊敬之詩云自言漢劍當飛去唐人使事無容拘泥若此

醉為馬墜諸公携酒相看

甫也諸侯老賓客罷酒酣歌拓金戟騎馬忽憶少年

此詩多言不世辭

時散蹄迸落瞿塘石白帝城門水雲外低身直下八
千尺粉堞電轉紫遊韁東得平岡出天壁江村野堂
爭入眼垂鞭一作鞞凌紫陌向來皓首驚萬人自倚
紅顏能騎射安知決臆追風足朱汗驂驪猶噴玉不
虞一蹶終損傷人生快意多所辱職當憂戚伏衾枕
况乃遲暮加煩促一作明知來問腆我顏杖藜強起依
僮僕語盡還成開口笑提携別掃清谿曲酒肉如山
又一時初筵哀絲動豪竹共指西日不相貸喧呼且
覆盃中淥何必走馬來爲問一作不爲身君不見嵇康養生
遭一作殺戮

別李義

神堯十八子十七王其門道國洎一作舒國督一作唯親
弟昆中外貴賤殊余亦忝諸孫丈人嗣三葉一作之子
白玉溫道國繼德業請從丈人論丈人領宗卿肅穆
古制敦先朝納諫諍直氣橫乾坤子建文筆壯河間
經術存爾克富詩禮骨清慮不喧洗然遇知己談論
淮湖奔憶昔初見時小襦一作繡芳蓀長成忽會面慰
我久疾魂三峽春冬交江山雲霧昏正宜且聚集恨
此當離樽莫怪執盃遲我衰涕唾煩重問子何之西
上岷江源願子少干謁蜀都足戎軒誤失將帥意不
如親故恩少年早歸來梅花已飛翻努力慎風水豈
惟數盤殮猛虎卧在岸蛟螭出無痕王子自愛惜老

夫困石根生別古所嗟發聲爲爾吞

十八子

鮑曰高祖二十二子衛懷王玄霸楚哀王智雲皆先薨太子建

成巢王元吉以事誅詔除籍故止言十八太宗有天下故言十七王

道國舒國道王元慶高祖第十六子舒王元明第十八子趙云

外孫也舊注云公自言杜李同出陶唐氏是何夢語祭外祖祖母文曰紀

孫之外孫故云余亦宗卿道王元慶麟德元年薨謚曰孝子臨淮王誘

宗諸孫趙注未詳宗卿嗣次子詢詢子微神龍初封爲嗣道王景雲

元年宗正卿卒子鍊開元二十五年襲封嗣道王廣德中官至宗正卿公

詩所謂丈人廟三葉者微也困學紀聞云義蓋微之子是也宗室世系表

微下不載義爾克諸宋刻皆送高司直尋封閬州

丹雀銜書來暮棲何鄉樹驩駟事天子辛苦在道路

司直非冗官荒山甚無趣借問泛舟人胡爲入雲霧

與子姻婭間既親亦有故萬里長江邊邂逅一相遇

長卿消渴再公幹沈綿屢清談慰老夫開卷得佳句

時見文章士欣然淡一作談情素伏枕聞別離疇能忍漂

寓良會苦短促溪行水奔注熊羆咆空林游子慎馳

驚西謁巴中侯艱險如跬步主人不世才先帝常特

顧拔爲天軍佐崇大王法度淮海生清風南翁尚思

慕公宮造廣厦木石乃無數初聞伐松柏猶卧天一

柱我瘦一作病書不成成字讀一作字亦誤爲我問故人勞心

練征戍

赤雀

竹書季秋之甲子赤爵銜書及

巴中

華陽國志巴子後理閬中

合三州同是天軍

天軍卽禁軍也天

秦爲巴郡地十道錄果閬

君不見簡蘇徯

漢巴郡之地

文志有羽林天軍

君不見道邊廢棄池君不見前者摧折桐百年死樹
中琴瑟一斛舊水藏蛟龍丈夫蓋棺事始定君今幸
未成老翁何恨憔悴在山中深山窮谷不可處霹靂
魍魎兼一作狂風

死樹

使信嶽連珠龍門死
樹尚刺咸池之曲

贈蘇四侯

異縣昔同遊各云厭轉蓬別離已五年尚在行李中
戎馬日衰息乘輿安九重有才何棲棲將老委所窮
爲郎未爲賤其奈疾病攻子何面黧黑不得豁心胸
巴蜀倦剽掠一作下愚成土風幽薊已削平荒徼尚彎
弓斯人脫身來豈非吾道東乾坤雖寬大所適裝囊
空肉食哂菜色少壯欺老翁况乃主客間古來偏側
同君今下荆揚獨帆如飛鴻二州豪俠場人馬皆自
雄一請其饑寒再請其養蒙

寄薛三郎中

據

人生無賢愚飄飄若埃塵自非得神仙誰免危其身
與子俱白頭役役常苦辛雖爲尚書郎不及村野人
憶昔村野人其樂難具陳藹藹桑麻交公侯爲等倫
天未厭戎馬我輩本常貧子尚客荊州我亦滯江濱
峽中一卧病瘡癘終冬春春復加肺氣此病蓋有因
早歲與蘇鄭痛飲情相親二公化爲土嗜酒不失真
余今委修短豈得恨命屯聞子心甚壯所過信席珍

上馬不用扶每一作忽扶必怒噴賦詩賓客間揮洒動八
垠乃知蓋代手才力老益神青草洞庭湖東浮滄海
濬君山可避暑况足采白蘋子豈無扁舟往復江漢
津我未下瞿塘空念禹功勤聽說松門峽吐藥攬衣
巾高秋却束帶鼓柁視青旻鳳池日澄碧濟濟多士
新余病不能起健者勿逡巡上有明哲君下有行化
臣

大覺高僧蘭若

和尚去冬
往湖南

巫山不見廬山遠松林一作蘭若秋風晚一老猶鳴日
暮鐘諸僧尚乞齋時飯香爐峯色隱晴湖種杏仙家
近白榆飛錫去年啼邑子獻花何日許門徒

香爐

遠法師廬山記曰山東南有香爐山孤
峯秀起游氣籠其上卽氛氲若烟氣

杜工部集卷之七

泰興縣李元益三友氏校



林
三
九

三
九

